

حزب عدلیہ

۲۰ نیشان ۱۳۲۸

جمعہ

۱۶ جادی الاولیٰ ۱۳۳۰

نومرو ۵۸

اوپنچی سنہ

قائم شدہ

نوبہات عدلیہ

بغداد ولایتی مرکز بدایت محکمہ سی مدعی عمومی فوآد افندینک کربلا مبعوثلغنه انتخاب اولنمسنه بناءً انجلال ایدن مذکور مدعی عمومی ملکہ سلیمانیه سنجانغی بدایت محکمہ سی جزا دائرہ سی رئیس رفعت، دیاربکر ولایتی استیناف محکمہ سی اعضاسندن حافظ محمد افندینک استعفا سنه مبنی یرینه حدیده سنجانغی تجارت محکمہ سی رئیس سابق عثمان، وان ولایتی استیناف محکمہ سی اعضا ملازم ملکنه پتورکه قضاسی بدایت محکمہ سی مدعی عمومی معاون شکر، وبونک یرینه ملازکرد قضاسی بدایت محکمہ سی مدعی عمومی معاون عبدالجید آنک یرینه وان استیناف محکمہ سی اعضا ملازمی احمد افندیل نقل وتعیین اولنمشلردر . اشبو ارادۀ سنیه نك اجر اسنه عدلیه نظارتی مأموردردر .

۲۷ ربیع الآخر سنه ۳۳۰ ل ۲ نیشان سنه ۳۲۸

نمد رشو

صدر اعظم

عدلیه نظاری

مفید

مدرج

**



سوریه استیناف محکمه سی جزا دائره سی ریاسته تعیین ایدیلن ارضروم استیناف محکمه سی جزا رئیس
نظیف افندینک مأموریت سابقه سنده ابقاسی طلب ایتسنه مبنی مومی الیه ارضروم استیناف محکمه سی جزا
ریاسته بالا بقا مذکور سوریه استیناف محکمه سی جزا ریاسته ارضروم استیناف محکمه سی جزا رئیس جمال بک
وطرابلس غرب ولایتی استیناف محکمه سی رئیس حمدی بک مستعفی عد اولنسنه مبنی یرینه ولایت مذکوره
استیناف مدعی عمومیه سی عثمان توحید افندی، آیدین ولایتی مرکز بدایت محکمه سی مدعی عمومیه سی حمزه
افندینک وقوع استیفاسی حسیله یرینه ازمیت سنجانی بدایت محکمه سی جزا رئیس مکتب حقوق عثمانی
مأذونلرندن خلیل بک، بونک یرینه بوردور سنجانی بدایت محکمه سی مدعی عمومی معاونی کذلک مکتب
حقوق عثمانی مأذونلرندن علی رضا، آنک یرینه اسکیشهر لوا بدایت محکمه سی مدعی عمومی معاونی عاقل
افندیلر، بونک یرینه عماره سنجانی بدایت محکمه سی مدعی عمومی معاونی اولوب تحویل طاب ایدن شفیق بک
سلیمانیه سنجانی بدایت محکمه سی جزا رئیس رفعت افندینک بغداد ولایتی مرکز بدایت محکمه سی مدعی
عمومیلکنه انتخاب اولنسنه مبنی یرینه درسم سنجانی بدایت محکمه سی رئیس اولوب تحویل ایجاب ایدن
عمر مدحت، معمره العزیز ولایتی محکمه استینافیه سی اعضاسندن رفعت افندینک استیفاسی جهتیله یرینه
یانیه ولایتی استیناف محکمه سی اعضا لگندن مستعفی کامل، طرابلس غرب ولایتی استیناف محکمه سی اعضاسندن
عبدالرحمن افندینک مستعفی عدینه بناء یرینه ولایت مذکوره مرکز بدایت محکمه سی مدعی عمومی معاونی
مکتب حقوق عثمانی مأذونلرندن اسماعیل حق، منجل بولنان قدس شریف استیناف مدعی عمومی معاونیلکنه
موصول ولایتی استیناف مدعی عمومی معاونی اولوب تحویل طلبنده بولنان حاجی صبری افندیلر نقل وتعیین
ایدملشر وپرشته سنجانی مرکز قضا بدایت جزا محکمه سی رئیس اولوب تحویل ایجاب ایدن علی رضا
افندی ایله باغچه قضاسی بدایت محکمه سی رئیس محمود سعید بک بجایشلری اجرا قلمشدر .

اشبو اراده سنیه نك اجراسنه عدلیه نظارتی مأموردرد. ل ه جادی الاولی سنه ۳۳۰ و ل ۹ نیسان سنه ۳۲۸

محمد رشاد

عدلیه ناظری صدر اعظم

ممدوح معیر

در سعادت غنائم بحریه محکمه سی قومیسری بک اوغلی بدایت محکمه سی مدعی عمومیه سی آنانیاس افندینک
نیکده مبعوثلغنه انتخاب اولنسنه مبنی مذکور قومیسر لکه بک اوغلی بدایت محکمه سی اعضاسندن معمر بک
علاوه مأموریت اوله رق تعیین اولنمشدر .

اشبو اراده سنیه نك اجراسنه عدلیه نظارتی مأموردرد. ل ه جادی الاولی سنه ۳۳۰ و ل ۹ نیسان سنه ۳۲۸

محمد رشاد

عدلیه ناظری صدر اعظم

ممدوح معیر

تبلیغات عثمیه

عدلیه نظارت هبلر مندره تسلیم اولنانه ۳۱ مارت سنه ۳۲۸ تاریخلی تحریرات عمومیه صور تیدر :

« سرخوشلنی ابتلا درجه سنه واردیران واصلاحی طباً تبین ایدنجیه قدر خسته
خانه ده توقیفنه حکم اولنان اشخاصک فقرا وعجزه دن بولندقلری تقدیرده تداوی
مصرفلرینک حبسخانهلر مصارف ترتیبندن اعطاسی لزومنه دادر »

سرخوشلنی ابتلا درجه سنه واردیران وقانون جزانک ایکی یوز آلتش بشنجی ماده سنک بشنجی فقره سی
موجبنجیه اصلاحی طباً تبین ایدنجیه قدر خسته خانه ده توقیفنه حکم اولنان اشخاصک خسته خانه مصارفی
تسویه ایدمیه جک درجه ده فقرا وعجزه دن بولندقلری تقدیرده بولنره عاقد تداوی مصرفلرینک حبسخانهلر
مصارفی ترتیبندن اعطاسی لزومنی متضمن اولوب بایورلدی سامی تبلیغ بیوریلان شورای دولت نافع
ومعارف ومالیه دائره سنک مضبوطه سی صورتی ایله اشبو تحریراتک نسخ مطبوعه کافیه سی لفا ارسال قلمش
اولقله مندرجاتنه توفیق معامله اولنسی

شورای دولت مالیه نافع معارف دائره سنک ۲۲ ربیع الاول سنه ۳۳۰ و ۲۷ شباط سنه ۳۲۷

تاریخلی و ۲۱۶۳ نومرولی مضبوطه سی صورتیدر :

عدلیه نظارتنک شورای دولته حواله بیوریلان کانون ثانی سنه ۳۲۷ تاریخلی و ۸۱۶ نومرولی تذکره سی مالیه
ونافعه ومعارف دائره سنده قرائت اولندی مذکور تذکره سرخوشلنی ابتلا درجه سنه واردیران وقانون
جزانک ایکی یوز آلتش بشنجی ماده سنک بشنجی فقره سی موجبنجیه اصلاحی طباً تبین ایدنجیه قدر خسته خانه ده
توقیفنه حکم اولنان اشخاصک خسته خانه مصارفی تسویه ایدمیه جک قدر فقرا وعجزه دن بولندقلری تقدیرده
حققرنده اولنه جق معامله موجب تردد اولدینی در سعادت استیناف مدعی عمومیلکندن ویریلان مذکرده
افاده اولنمش وسرخوشلنی ابتلا درجه سنه واردیران اشخاصک برخسته خانه آلتی آیدن اشانی اولماق اوزره
توقیفلری بالطبع بر حکم قانونه مستند اولوب محکومینک اعاشه سی وایچلرندن خسته لائلرک تداویسی مصارفی
ایسه حبسخانهلر تخصیصاتندن تسویه ایدلمکده بولنسنه نظراً محکمه قراریه خسته خانه لره تسلیم ایدیه جک
بوکبی کسانه عاقد مصارفک دخی حبسخانهلر مصارفی ترتیبندن اعطاسی ویاخودغربا فقرانک مصارف تداویسی
دواثر بلدیجه تامین وتسویه ایدلمکده اولنسنه قیاساً بولنرک ده تداوی مصرفلرینک بلدیله لجه تسویه سی شقلرندن
برینک اختیاری مناسب مطالعه قلمش اولدیقندن بحثله کیفیتک شورای دولته تدریجی لزومی بیلدرلمشدر .

ایجابی تأمل اولندی محکومینک اعاشه لریله تدایلیری مصارفک حبسخانه لری تخصیصاتندن تسویه ایدلکده اولمسنه و سرخوشانی ابتلا درجه سنه واردیران اشخاصک توقیف لری ده محکمه قرارینه مسستند بولمسنه مبنی غربا و فقرا مصارف تدایسنک بلدیله رجه تسویه سی حقنده کی قراره توفیق حرکته محل کوریه مدیکندن تدای مصرفلرینک ده حبسخانه لری مصارفی ترتیبندن اعطاسی لازم کله جکینک نظارت مشار الیهاییه تبلیغی تذکر قلندی

عزلیه نظارت جلیله سنه نسطیر بیوریله ۸ نیسانه سنه ۳۲۸ تاریخی تحریرات عمومیه صورتیبر

« ممالک عثمانیه ده مقیم بره زلیالیلرک تابع اوله جنی اصول و معامله حقنده »

تذکره سامیه صورتی

حکومت سنیه ایله بره زلیلیا حکومتی بیننده منعقد بیک سکز یوز الی سکز تاریخی تجارت و سیر سفائن معاهده نامه سی ۷ شباط سنه ۹۱۲ تاریخندن اعتباراً مفسوخ اولمسنه بناءً ممالک عثمانیه ده مقیم بره زلیالیلرک تابع اوله جنی اصول و معاملات حقنده استشاره اوطه سنندن تنظیم و خارجیه نظارت جلیله سنندن با تذکره تسیر اولنان مطالعه نامه و ملفوفی مجلس وکلاده اوقوندی مذکور معاهده نامه ک مفسوخیتی حسیله قایتولاسیون اصول استثناییه سی بره زلیلیا تبعه سی حقنده حکمدن ساقط اوله رق ۷ شباط سنه ۹۱۲ تاریخندن اعتباراً اوروا حقوق عمومیه دولی قواعدینک تطبیق یعنی تبعه مرقومه ک استفاده ایده میه جکی حقوق مستتی اوله رق حق لرنده تبعه عثمانیه معامله سی ایفاسی مقتضی بولندیغندن ایتالیانلر حقنده مابه التطبيق اولان اصول عدلیه حقنده کی تحریرات عمومیه یه و بره زلیالیلرک تابع اوله جنی اصول حقنده استشاره اوطه سننجه قلمه آلان صورتی ملفوف ورقه مندرجانه توفیقاً تبلیغات عمومیه اجراسی مناسبدر بیک ایکی یوز سکسان درت تاریخی استملاک املاک پروتوقولی بره زلیلیا حکومتی طرفندن امضا ایدلماش اولدینی جهتله بره زلیالیلرک وقتیه اولدینی کی بعدازین دخی املاک تصرف ایده ماملری و بره زلیلیا سفائی حقنده اوروا حقوق دولی قواعد عمومیه سنک تطبیق یعنی سفائنه دخول و آنلردن استیفا اولنه جق رسوم و دیگر خصوصاتده قوانین عثمانیه ک مرعیتی ایجاب ایدر اصول رسومیه یه و برزلیلیا امتعه سنندن استیفا اولنه جق رسومه کلنجه حکومت سنیه جه بره زلیلیا ادخالانته قارش کمرک رسومنجه شمیدلک الزیاده نائل مساعده ملت معامله سی تطبیق اولنق و عثمانی امتعه سنک بره زلیلیا تابع اولدینی رسوم حقنده تدقیقات بالا اجرا رسوم مذکوره فاحش یعنی رسوم مانعه قیلندن اولدینی تحقق ایتدیکی تقدیرده آنک تنزله تشبث ایدلک و موفقیته حاصل اولنر ایسه تعرفه متفاوته تطبیق اولنق لازم کلیر تکالیف عمومیه ده دخی تبعه عثمانیه کی تأدیه ایله مکلفیلری طبعیدر قونسولوسلق حقوق و امتیازاتی

معامله متقابله اساسنه مسستند اوله جفندن شمیدن بونک صورت واضحده تعیینی غیر قابل اولمسنه نظراً بر مسئله حدوننده خارجیه نظارت جلیله سنه تبلیغیه معامله مقتضیه ک اجرا اولنسی ایجاب ایدر بوجه محرراجرای ایجاباتک نظارت جلیله لریله داخلیه و مالیه و خارجیه و دفتر خاقانی نظارت جلیله و علیه لریله تبلیغی تذکر و ایجابی اجرا اولنمغه ایفای مقتضایی

حکومت سنیه ایله بره زلیلیا حکومتی بیننده منعقد بیک سکز یوز الی سکز تاریخی تجارت و سیر سفائن معاهده نامه سنک ۷ شباط سنه ۹۱۲ تاریخندن اعتباراً مفسوخ اولمسنه بناءً ممالک عثمانیه ده مقیم بره زلیالیلرک تابع اوله جنی اصول و معاملات حقنده شرف وارد اولان ۱۴ مارت سنه ۳۲۸ تاریخی و اوتوزبر نومرولی تذکره سامیه صورتی بالا یه نقلاً تبلیغ و استشاره اوطه سنک بوباده کی مطالعه نامه سی صورتی لفاً تسیر قلندی ایفای مقتضیاتی توصیه اولنور .

استشاره اوطه سنک اشیر تحریراته بیانه اولفانه مطالعه نامه سی صورتیبر

حکومت سنیه ایله بره زلیلیا آرهنده منعقد ۱۸۵۸ تاریخی تجارت و سیر سفائن معاهده نامه سنک مفسوخیتی مناسبته قایتولاسیون اصول استثناییه سی بره زلیالیلر حقنده حکمدن ساقط اولمش و ممالک عثمانیه ده مقیم بره زلیالیلرک ۷ شباط سنه ۹۱۲ تاریخندن اعتباراً اوروا حقوق عمومیه دولی قواعدینه اتباع ایدلری یعنی مرقوملرک استفاده ایده مدیکی حقوق مستثنا اولق اوزره تبعه عثمانیه یم تمثیل اولنلری مقتضی بولنمشدر اصول مذکورنک تفرعاتی بوجه آتی عرض اولنور: مواد جزائیه ده بره زلیالی مجرملرک توقیفی اقامتگاهلرینک تحریری مستنطقلر حضورنده استجوابلرینک و محاکمه محاکمه لرینک اجرا و حکمک اعطاسی طوغریدن طوغرییه واقع اولق و ممالک عثمانیه ده کی بره زلیالیلرک حمایه سنی در عهده ایتمش اولان بره زلیلیا قونسولری توسط ایدلماک ایجاب ایدر . اوراق عدلیه تبلیغاتی دخی طوغریدن طوغرییه اجرا قلنور موقوفیت و محبوسیت دخی عثمانی حبسخانه و توقیفخانه لرنده انفاذ و مجازات تقدیه طوغریدن طوغرییه استیفا ایدیلر بره زلیالیلر طرفندن ارتکاب اولنان جرائم عمومیتله شمیدییه قدر مواد مثله ده عثمانیلری محاکمه ایتمه صلاحیتدار اولان محاکمه رؤیت ایدلیکی کی بوندن صکره دخی بره زلیالیلر عین محاکم جزائیه ده فقط ترجمان حاضر اولقسزین محاکمه ایدلک لازم کلیر صیدماهی و سائر مثالو خصوصاتده قاجیلقدن متولد و مجالس اداره ده رؤیتی ایجاب ایتدیکی حالده حکومت سنیه جه محاکم جزائیه ده رؤیتنه مجبوریت حاصل اولمش اولان دعاوی

تبعه عثمانیه حقه جاری اصوله توفیقاً مجالس اداره ده فصل ایدمک ایجاب ایدر بره زیلیالی شاهدلر طوغریدن طوغری به محاکم طرفندن دعوت اولنه رق اجابت ایتمک لری تقدیرده عثمانی شاهد متمرذلر حقه کی معامله به تابع طوتیلورلر استیناف و تمیز معاملات دخی طبق تبعه عثمانیه حقه اولدینی کی اجرا و محکمه تمیز جزا دائره سنک مقرراتی انفاذ اولنور حقوق و تجارت متعلق اموره دخی بره زیلیالیرک تبعه عثمانیه تمثیلی قاعده سنه اقتفا ایدمک لازم کلیر شمدی به قدر بو کی خصوصاً بره زیلیالیرلر محاکمه به صلاحیتدار اولان محاکم ترجمان حضوریه ایجار واستیجار دعوالری و بیک غروش و بوندن دون مبالغی تضمن ایدن دیگر دعوالر ده محاکم حقوقیه و دعاوی سائره ایچون ده محاکم مختلطه تجاریه اولدینی حاله بوندن صوکره مواد حقوقیه محاکم حقوقیه و مواد تجاریه محاکم تجاریه عثمانیه ده طوغریدن طوغری به و عثمانیلر حقه کی اصول و قواعد توفیقاً رؤیت ایدمک مقتضیدر اوراق عدلیه کی اعلاماتک تبلیغی حکم لک تنفیذی کذلک طوغریدن طوغری به واقع اولق و قانونک امر ایستدیک احواله مأمورین عدلیه به بره زیلیالیرک اقامتگاهنه مساکن عثمانیه مثلاً بلا واسطه دخول ایدمک ایجاب ایدر ولایات محاکم تجاریه مختلطه سندن معطی حکم لدر رسعادتده برنجی مجلس تجارتده قابل استیناف اولدینی و مجلس مزبورک ویردیک حکم لدر ایسه استیناف و تمیز ایدیه مدیک حاله بعدما طرفینی تبعه عثمانیه دن متشکل دعاوی مثلاً استیناف و تمیز ایدلیلدرلر بعدما بره زیلیالیردن افلاس ایدنلرک امورینه محاکم تجاریه عثمانیه طرفندن و قونسولوسخانه ترجمانی توسط ایدیرلمکسزین باقلمق لازمدر بره زیلیالیرک علاقه دار بولنوب اصوله توفیقاً در دست رؤیت اولان دعاوی جزائی و حقوقیه و تجاریه به کلنجه معاهده نامه مذکور مفسوح اولغله بونک مدت مرعیتی ظرفنده باشلامش اولوب حکمدن ساقط اولدینی کونه قدر دوام ایتمش اولان معاملات معتبر عد ایدمک لازم کلیر اساساً معاملات مذکوره حقه اوروپا حقوق عمومی دولی قواعدینک مبدأ تطبیق ۷ شباط سنه ۱۹۱۲ تاریخی ایسه ده مواد آنفیه دائر قلمه آلنه حق تحریرات عمومی به بالا خره مأمورینک یدینه واصل اوله جغندن تحریرات مبعوث عنانک مأمورینه تاریخ تبلیغندن اعتباراً بره زیلیالیرلر حقه قاپیتولاسیونلر اصولنک مرعیتدن سقوطیه یرینه قائم اوله حق اوروپا حقوق عمومی دولی قواعدینک تطبیق ایجاب ایدر بر اصولک دیگرینه انشای انقلابنده تطبیق اولنه حق قواعد بروجه آتی بیان اولنور : تاریخ مذکور دن اعتباراً حال جدیدک یعنی اوروپا حقوق عمومی دولی اصولنک ایجاب ایتمکده اولدینی وجه مشروح اوزره دوام ایدمک اقتضا ایده چکنه نظراً مواد جزائییه آرتق ترجمان قبول ایدلامک و کیفیت اساساً مجالس اداره به عائد ایکن ایشده علاقه دار بره زیلیالی بولنق طولانیسیله محاکم جزائییه در دست رؤیت ایسه اوراق متفرعه مجالس اداره به تودیع ایدیلرک مابعدینه مجالس مذکوره به دوام اولنق و کذلک مواد حقوقیه و تجاریه ده دخی عینی وجهله حرکت اولنه رق حقوقه دائر دعاوی محاکم تجاریه به حقوق محکمه لری نه نقل ایدمک و فقط دعاوی تجاریه به اجنبی اعضایی بلا تشریک کندیلری دوام ایتمک و حقوق و ایجار واستیجار دعوالر نه محاکم حقوقیه به ترجمان قبول اولنمق لابددراجراسنه ایدن ایدیلن

حکملره عثمانیلر حقه کی اصوله توفیقاً طوغریدن طوغری به دوام اولنق ایجاب ایدر اموال غیر منقولیه کلنجه ۷ صفر سنه ۱۲۸۴ تاریخی قانونه مربوط پروتوقول بره زیلیالی حکومتی طرفندن امضا اولنمق اولدیلرک بره زیلیالیرک وقتیه اولدینی کی بعدما دخی املاکه تصرف ایده میه چک لری طبعیدر بره زیلیالیرک سفاننه کلنجه بونلر حقه اوروپا حقوق عمومی دولی قواعد عمومی سی تطبیق اولنق یعنی سفاننه دخول و آنلردن استیناف اولنه حق رسوم و دیگر کافه خصوصاً قواین عثمانیه مرعی طوتلق ایجاب ایدر بره زیلیالی ادخالاتنه قارشی کمرک رسومنجه امر اخیره دکن اک زیاده نائل مساعدده ملت معامله سی تطبیق اولنق و تکالیف عمومی به کلنجه تبعه عثمانیه کی تأدیه ایله مکلف طوتلق مناسب اولور .

عدلیه نظارت مبدیر سدره تطبیق اولنامه ۵ نیسان سنه ۳۲۸ تاریخی تحریرات عمومی صورتیدر :

« خدمه و مباشرلرله دعوی وکیللردن ترجمه حال ورقه سی اخذی حقه »

مرعیت احکانه بالاستیدان ۷ جازای الاخر ۱۳۲۹ تاریخده اراده سنیه پادشاهی شرفتملق بیوریلان عدلیه و مذاهب نظارتی نظامنامه داخلینک آلتنجی ماده سی موجبجه محاکم نظامیه نزدنده اجرای وکالت ایدن بالعموم وکلای دعاوی ایله خدمه و مباشرلردن مأمورین و مستخدمین سائر عدلیه کی ترجمه حال ورقه سی اخذ و تسجیلی لازم کلسنه منی دائره مأموریتلری داخلنده موجود محاکم نزدنده کی خدمه و مباشرلرله دعوی وکیلرینه ایفای تبلیغاتله تعلیمات و تعریفات مخصوصه سی دائره سنده تنظیم واعطا ایدچک لری ترجمه حال ورقه لری نک محتویاتی مثبت اوراق رسمیه صورت مصدق لریله برلکده سرعت ارسال

عدلیه نظارت مبدیر سدره تطبیق اولنامه ۱۰ نیسان سنه ۳۲۸ تاریخی تحریرات عمومی صورتیدر :

« مأمورینک صورت عزل و تبدلرینه دائر اولان مواد قانونیه احکامنک حقیه »

« تطبیق و اجرائی لزومه دائر »

۳۱ آبان سنه ۱۳۲۷ تاریخی شورای دولت مضبوطه سی صورتیدر

مأموریتدن بغیر حق عزل ایدلرکندن بحث ایله استدعای معذلتی حاوی موش سنجانی تحریرات مدیر سابق مصطفی مظهر بک طرفندن بالتقدیم شورای دولته حواله بیوریلان عرضحال اوزرینه لدی الخارجه داخلیه نظارتندن وارد اولان ۲۸ کانون اول سنه ۳۲۷ تاریخلو و یوز قرق نومرولی تذکره و ملفوفاتی ملکیه دائره سنده قرائت اولندی تذکره مزبورده مومی الیهک اهالی بی مأمورین و مأمورینی اهالی علیه تحریک و تشویق و بویخصوصه موافق کوردیک شکایتنامه لری کندی تحریر و تسوید ایدلرکی بنامیس ولایتدن بیلدرلمسینه و استحصال ایستدیک مدت مآذونیتی ختام بولدینی حاله محل مأموریتنه عودت ایتماسنه منی عزل ایدلرکی

اشعار قلنمش اولمسیله مومی الیهک احوالی حقننده کی معلومات بتلیس والی وکالتندن استفسار ایدلدی وکالت مذ کورده دن جواباً آلمان ۱۵ کانون ثانی سنه ۳۲۷ تاریخلی تلغرافنامه ده مومی الیهک خنس تحریرات مدیریتیله طوتاق قائم مقامنی وکالتنده بولندینی صرهدده حسن خدمتی کورلمش و موش متصرفندن بالاستعلام جواباً ورود ایدوب ذیلاً یازیلان تلغرافنامه ده کوره معصومیتی تبیین ایدوب اساس شکایت مأمورین آره سنده کی امتزاجسز لغندن ایلرو کلش اولدینی کورلمش و مذکور متصرفلغک تلغرافنامه سنده دخی کچن سنه رؤسای مأمورین ایلر اهالی ایکی طرف اولوب یکدیگری عاینده شکایتده بولندینی و مومی الیه مظهر بک متصرف وکیلنک مخالفی اولان طرفدن اولدینی آکلاشلماقده ایسه ده موافق کوردیکی شکایتنامه لری تحریر ایتدیکنه دأر واقع اولان ادعا طوغری اولمادینی و مظهر بک یازیمی اولق اوزره والی سابق حق بکک الیه کچوب مشارالیهی داخلیه نظارتنه تقریر اعطاسنه سوق ایدن برمسوده تحریرات قلمی کتبه سندن برینک یازیمی اولدینی بالاخره آکلاشلدینی درمیان قلنمشدر تفصیلات آنفهدن و اوراق موجوده نك تدقیق مندرجاتندن نمایان اولدینی اوزره مومی الیه مظهر بکک اسباب عزلی اهالی بی مأمورین و مأمورینی اهالی علیه تحریک وتشویق و بوخصوصه موافق کوردیکی شکایتنامه لری تحریر و تسوید ایلدیکنه دأر مأذوناً درسعادته بولنان والی سابق حق بک طرفندن داخلیه نظارتنه وقوعولان اشعاردن عبارت اولوب حالبوکه موش متصرفلغنک وبتلیس ولایتی وکالتنک سالف الذکر تلغرافنامه لریله اشعار واقعک موافق حقیقت اولمادینی ثابت بولنسنه و ترجمه حال ورقه سی صورت مصدقه سیله اوراق سائرده بولنش اولدینی مأمورینلرک کافه سنده حسن خلق و خدمتندن بحث ایدلسنه نظراً مومی الیهک بلاسبب قانونی عزل ایدلدیکی تحقیق ایتش و دأرجه اجرا قلنان اشبو تدقیقات و مخابراتک داخلیه نظارتجه ده ایفاسی ممکن ایکن هر فصلسه بوجهته کیدلیه رک افاده مجرده به بنای معامله ایدلمش اولدینندن جائز الاستخدام عدی و ترجمه حالنک آکا کوره تصحیحیه تمادی مغدوریتنه میدان ویرلماک اوزره ایلک آچیله جق بر مأموریتنه تعیین ایدلمسی خصوصنک داخلیه نظارتنه حواله سی و برده مأمورینک قانوناً موجب عزل حرکتی تحقیق ایتدیکه ویا کندی استعفا ایلدیکه و یا خود دولته سبب ضروری کورلدیکه عزل و تبدیل اولنه میهنی قانون اساسینک اوتوز طقوزنجی ماده سنده مصرح اولغله برابر مأمورینک نه کی احوالده عزل اولنه بیله جکی مأمورین ملکیه ترقی و نقاعد قرارنامه سنک الیوم حکمی مفسوح اولمیان مواد مخصوصه سنده کورسرتلمش و مأمورین محاکمه سی نظامنامه سیله آنی مفسر اولان ایضا خانما ده دخی مأمورینک خلاف قانون بر فعل و حرکتی کرک طوغریدن طوغری به کرک بر شکایت ویا ادعاینامه اوزرینه آکلاشلماقده او مأمورک منسوب اولدینی نظارت ویا ولایت طرفندن تحقیقات اولیه اجرا سنه مسارعت اولنه جنی و مظنون علیه اولان مأمور مستخدم اولوبده تحقیقات اولیه نك نتیجه سی مأموریتنده بقاسنجه ماده ویا سیاست بر محذور کورسرتدیکی وایشدن ال چکدیرلمسی ویا عزلی لازم کلدیکی حالده بونک اسباب موجب سنک دخی موضحاً اشعار قلنه جنی و مأمور مظنونک مأموریت اوزرنده بولنسنک محذوری مالا ویا ملکاً مهم کورینوبده

امر رسمی استحصالتنه قدر بقای مأموریتی جائز اوله منزایسه اسباب موجب سی اثبات اولمق اوزره مأموریتندن ال چکدیرلمسی نظارت ویا ولایتک تحت مأذونیتنده بولندینی محرر اولمسنه کوره حقلرنده شکایت وقوعولان مأمورینه دأر یازیله جق معامله ده اشبو احکام قانونیه رعایت ایدلمسی ایجاب ایتدیکی حالده مأمورینک اکثری مومی الیه مظهر بک حقننده اولدینی کی اسباب صحیحه قانونیه به استناد ایتدیرلمکسزین عزل ایدلدیکی دأر به حواله اولنان اوراق اوزرینه جریان ایدن تدقیقات و مخابرات ایلر تبیین ایتدیکه و بوده مأمورینک مغدوریت و کسر شوق و حیثیتلرینی استلزام ایلدیکه اولدینندن بعدما سالف الذکر مواد قانونیه نك کاهی حقها تطبیق و اجرا سنه دقت واعتنا و خلافی معاملتدن اتقا ایدلمسی خصوصنک تعمیماً ولایات والویه غیر ماحقه به تبلیغنک ده علاوه نظارت مشارالیه به انبای و دوائر مرکزیه ده معلومات اعطاسی

۱۱ مارت سنه ۳۲۸ تاریخلی تحریرانه ذیلدر مأمورینک صورت عزل و تبدللرینه دأر اولان مواد قانونیه احکامنک حقیله تطبیق و اجراسی لزومی متضمن شورای دولت ملکیه دأر سندن تنظیم و اعطا و یا تذکره سامیه ارسال بیوریلان مضبوطه نك صورتی بالاییه درج ایدلمش اولغله ایفای مقتضای تبلیغ اولنور .

عربی نظارت مجلیه سنه ۱۵ نیسانه سنه ۳۲۸ تاریخلی تحریرات عمومی صوریندر :

« حبسخانه لره متعلق اوراق و معاملاتک تدقیق ایچون جهت عدلیه نك اشتراکیله

ولایانده بر قومیسون تشکیله دأر »

حبسخانه لره متعلق اوراق و معاملاتک تدقیق ایچون جهت عدلیه نك اشتراکیله ولایانده ژاندارمه قوماندانندن و پولیس مدیریه دیگر برذاتدن مرکب برر قومیسون تشکیلی لزومی داخلیه نظارت جلیله سندن باتذکره اشعار اولنمش واستیناف مدعی عمومیلرینک تحت ریاستنده اولق اوزره بویه بر قومیسونک تشکیلی حبسخانه لره امور و معاملاتنک و مأمورین عدلیه به قانوناً مودوع اولان حق مراقبه نك برقات دها تأمین حسن جریان نقطه نظرندن مستلزم فوائد کوریلرک کیفیت ایجاب ایدنلره تعمیماً تبلیغ قلنمش اولغله آکا کوره ایفای مقتضای

عربی نظارت مجلیه سنه ۱۵ نیسانه سنه ۳۲۸ تاریخلی تحریرات عمومی صوریندر :

« پوسته خانه لره تسلیم ایدیلن احشای بطنییه دأر »

مأمورین عانده سی طرفندن کورسرتیلان لزومه مبنی مجلس طبیه ملکیه و صحیه عمومییه سوق ایدلمک اوزره پوسته خانه لره تسلیم قلنان احشای بطنییه نك بلا اجرت قبول و سوقيه مدعی شخصیلر طرفندن تودیع اولنه جق بومثللو موادک اجرتیه تابع طوتلمسی مجلس اداره نظارتجه بالتقرر باش مدیریتره او یولده تبلیغ کیفیت اولدینی پوسته و تلغراف و تلفون نظارتندن باتذکره ازبار قلنمش اولغله بیان کیفیت اولنور .

تجارت اعدمانی

درسمات تجارت بحریه محکمه صدره صادر اولاده ۶۶۶ نومرولی اعاده محاکمه اعدمانی صورت پذیرد:

دیون عمومیه عثمانیه واردات مخصوصه اداره سی نظارت عمومیه سی مهر رسمیه سی و مدیر عمومیه سی لئون بیسار مهر ذاتیه سی ایله اعطا اولوب ۳ ایلول سنه ۳۲۴ تاریخده مباشری عاصم افندی معرفتیه معامله قانونیه سی ایفا ایتدیریلان ۶۶۶ نومرولی عرضحال تجارت بحریه محکمه سنده قرائت اولندی .

مالی یونان دولتی تبعه سندن و شیرا اهایسندن « الفتریا » نام سفینه نك صاحبی آرسیدی پاپانیقوله نك وارث منحصری صفتیه حرکت ایدن تبعه مرقومه دن و قپودان زمره سندن شیراده مقیم اندریا پاپانیقه له ایله دیون عمومیه عثمانیه واردات مخصوصه اداره سی بئنده مالذکر کینک حجزندن طولانی اوتدنبرو دردست بولانان تضمینات و ضرروزیان دعوا سنك یوم محاکمه سی چون تعیین اولنان ۱۲ ایلول سنه ۳۲۳ تاریخده معذرت مشروعه یه مبنی اداره وکیلنك محکمه ده حاضر بولنه مام سندن طولانی غیاباً اجرای محاکمه یه قرار ویرله رك اولجه صادر اولان اعلام علیه اداره نك واقع اولان اعاده محاکمه استدعا سنك ردی و مصارف محاکمه نك اداره یه تحمیلی حکمنی حاوی اعلام غیابی ۲۵ کانون ثانی سنه ۳۲۳ تاریخده اداره یه تبلیغ اولمش ایسه ده اعلام مذکور اصول محاکمه تجارت نظامنامه سنك یوزاوتوز سکرنجی ماده سنك احکام صریحه سی اخلال ایتمکده اولمسنه و پاپانیقوله نك ایکوز لیرا قیمتده اسمی کی جسمی تحت پارچه لرندن عبارت بولنان سفینه سنك حجزندن طولانی طقوز یوز کسور لیرا تضمینات حکم اولمشی حقوق خزینه یی اضرار ایتمکده اولدیغندن اعلام غیابی مذکوری عدم قبول ایله علیه اعتراض علی الحکم ایدلیکنی و بناء علیه مومی الیه اندریا پاپانیقوله نك ویا مصدق وکیلنك علی الاصول محکمه یه جلیله بعدالحا که اعلام معترض هك کان لم یکن حکمنده طوتیه رق طرفینک حال سابقه ارجاعنه و یکیدن اجرا اولنه جق محاکمه نتیجه سنده اندریا پاپانیقوله نك واهی و بی اساس اولان تضمینات و ضرر و زیان دعوا سنك ردینه و اول و آخر وقوع بولان مصارف محاکمه نك مومی الیه تحمیلنه و مدعی مومی الیه علیه اداره نك واقع اولان و اوله جق حقوق سائر سنك محافظه سنه قرار ویرلمسی استدعا سی حاویدر .

دعوت واقعه اوزرینه معترض دیون عمومیه عثمانیه واردات مخصوصه اداره سی وکیل عیکیان افندی ایله معترض علیه اندریا پاپانیقوله نك وکیل یرغانیان دیران افندی اعلام معترض مهده مصرح و کاتلرینه استناداً محکمه یه کله رك یونان سمارتی ترجمانی موسیو اکسانتوپلو حاضر اولدینی حالد معترض وکیل کلامه مسافته خصوص مذکوردن طولانی بوندن اون ایکی سنه اقدم آرسیدی پاپانیقوله ایله اجرای محاکمه اولدینی حالد بو کره اندریا پاپانیقوله تعقیب دعوی ایتمکده اولدیغندن اول امرده مومی الیه ک صفتی تدقیق اولمش انتضا

ایدلیکنی افاده و معترض علیه وکیل جواننده اعاده محاکمه ائناسنده آرسیدی پاپانیقوله وفات ایتدیکندن وارث منحصری اولان اندریا پاپانیقوله صفت وراثتی بالاثبات دعوانی تعقیب ایتدیکنی و بوراسی اولباده کی اعلام مندرجاتیه ثابت اولدیغنی بیان ایتلریله بوجهت حقنده محاکمه یه ختام ویرله رك وقتک عدم مساعد سندن طولانی مذاکره نك اجراسی یوم آخره تعلیق و کیفیت وکیلان مومی الیه مایه تفهیم قلندی .

بعده خصوص مذکوردن طولانی معترض وکیللری موسیو ژورژ شابر ایله عیکیان افندی و معترض علیه وکیل دیران افندی محکمه یه کله رك ترجمان مومی الیه حاضر اولدینی حالد قراساق موجبجه کیفیت مذاکره تعلیق اولمش ایسه ده محکمه نك هیئت سابقه سی تشکیل ایدن اعضای اجنبیه دن برینک کیفسز لیکندن طولانی یرینه دیگر براعضا ورود ایتمکده حسب الاصول محاکمه تکرار کشاد اولندقه معترض وکیللری معترض علیه اندریا پاپانیقوله نك صفت وراثتی مقدما محکمه یه تدقیق اولنه رق قبول و تصدیق اولدینی اعلام معترض هك مطالعه سندن آکلاشیلدیغندن اولباده کی اعتراض لرندن صرف نظر ایتدیکرینی افاده و بیان ایتلریله طرفین حکم غیابیدن اولکی حاللرینه بالارجاع معترض به اولان فی ۲۴ کانون ثانی سنه ۳۲۳ تاریخلی ۱۸۵ نومرولی اعلام غیابی ایله معترض وکیللری طرفندن ویریلان لایحه قرائت اولندی .

اعلام مذکورک مالی دیون عمومیه عثمانیه واردات مخصوصه اداره سی نظارت عمومیه سنك ۱۸ کانون اول سنه ۳۱۱ تاریخده معامله قانونیه سی ایفا ایدیلان ۴۴۲ نومرولی عرضحالده یونان دولتی تبعه سندن و شیرا اهایسندن « الفتریا » نام سفینه نك صاحبی آرسیدی پاپانیقوله نك دیون عمومیه اداره سی علیه اقامه ایدلیکی ضرر و زیان دعوا سنده مدلول تجارت محکمه سندن صدور ایدن اعلام علیه جانب اداره دن وقوع بولان استیناف دعواسی اوزرینه اشبو تجارت بحریه محکمه سنجه جریان ایدن محاکمه نتیجه سنده مستأنف علیه پاپانیقوله نك طلب ایدلیکی اون درت قلم جمعاً بیک ایکوز قرق بر لیرا سکسان طقوز غروش ضرروزیانی قسماً قبول ایله طقوز یوز بر لیرا سکسان غروشک مع مصارف محاکمه اداره دن بالتحصیل مومی الیه آرسیدی پاپانیقوله یه اعطاسنه حکم اوننه رق ۲۸ اغستوس سنه ۳۱۱ تاریخله تنظیم اولنان اعلام ۳۰ اغستوس سنه ۳۱۱ تاریخده اداره یه تبلیغ اولمش ایسه ده حکم مذکور زیرده کوستر لیدی اوزره اصول محاکمه تجارت نظامنامه سنك یوزیکرمی اوچنجی و یوزیکرمی دردنجی ماده لر ی موجبجه مغایر قانون و اصول اوله رق صدور ایتمش اولمسنه و اداره نك حقوتی کلیاً اخلال ایتمکده اولدیغنه مبنی علیه اعاده محاکمه طریقله اعتراضه مجبوری حاصل اولوب شوبله که اولاً اعلام مستأنف هك مطالعه سندن دخی آکلاشیله جنی اوزره حضور محکمه ده جریان ایدن مسئله طلب اولنان ضرروزیانک مقداری اولیوب ضررک نوعی اولدیغنه یعنی پاپانیقوله نك اون درت قلم ضرروزیان ادعاسنه قارشو اداره جه مستأنف علیه ضرری کیس سنك حجزی صره سنده کی قیمتی ایله کندیسنه اعاده سی کوننده کی قیمت بئنده کی فرقندن عبارت اولمش لازمه که جکی بولنده حصر مدافعه ایدمش ایکن محکمه جه بوجهت کلیاً مسکوت عنه بر اقیله رق کویا ضرر و زیانک نوعی حقنده تصادق طرفین موجود کی یالکز ضرر

وزيانك مقدارينى تدقيق ايله حكم ايتىمى اصول محاکمة تجارت نظامنامه سنك يوزيكرمى اوچنچى ماده سنك اوچنچى فقره سى موجبجه اسباب اعاده دن اولديغنه ثانياً منازع فيه اولان كمينك حيز اولنديغى صروده سیر وسفره غير مقتدر وپريشان برحاله بولنديغى اثبات ضمننده اداره وکیلنك حکمیه ابراز ايتديكى اوچ قطعه ورقه رسميه مندرجاتنك رد ويا قبولی حقنده اعلامك حكم یرنده هيچ بر اشارت بيله بولنامسى دخی فقره نظامیه مذکوره موجبجه اسباب اعاده دن اولديغنه ثالثاً منازع فيه كمينك قبولان وطائفه لرینك ايكي آی وبش كونلك معاش وما كولاتی حقنده كى فقره حکمیه قانوننامه تجارت بحریه نك آلتش یدنجی ماده سنه استناد ایدلمش ایسه ده ماده مذکوره نك فقره اخیره سنده « ذکر اولنان اجرت وتضمناتك مقدارى ختام سفرده ویرلمسى مشروط اولان اچقدهن هيچ بر وقت زیاده اوله میه جقدر » دیو محررایکن بوجهته اعتبار اولنیه رق سفرك نصفندن زیاده سنی قطع ایتدیكى محكمه جه معلوم اولان قبولان وطائفه لره ايكي آی وبش كونلك معاش وما كولات اعطاسى ماده مذکوره احكامنه مغایر اولديغندن نظامنامه مذکورك يوزيكرمى دردنجی ماده سنك بشنچى فقره سى موجبجه فسح حکمى موجب اولديغنه رابعاً كمينك يولندن منعی اداره نك خطاسندن ذكل فورطنه دن ایلرو کلدیكى پاپانیقوله نك اداره به تبلیغ ایتدیردیكى پروتستوده كى اقراريله میدانده اولديغى حاله محكمه جه قانوننامه تجارتك يوزاون آلتنجی ماده سنه استناداً یومیه طونیلاتو باشنه اوتوز ساتیم ضروروزیان حكم ایدلمسى دخی فقره نظامیه مذکوره موجبجه اسباب اعاده دن اولديغنه وخامساً بقیه نول اوله رق محكمه جه حکم ایدیلان صوك قلم یوزالای مجیدی قیه دانك قطع ایدیه جکی مسافه نك نصفندن زیاده جه سنی قطع ایتش اولديغى جهتله تجارت بحریه قانونك يوز اون سکنزنجی ماده سنه توفیقاً حکم ایدلمش ایسه ده قانوننامه مذکورك يوز يكرمى دردنجی ماده سنده « غرق وشکست اولمقندن دولای ضایع وتلف اولان اتمه ایچون هيچ بر نول ویرلمسى لازمکمز واول اتمه نك نولی ایچون بر وجه پشین آلتش اولديغى اچقدهن قبولان عکسى بر مقاوله اولمديغى حاله اعاده به مجبوردر » دیو محرر اولديغنه وخصوص منازع فیده ایسه اداره نك تحمیل ایتدیكى بشیوز کسور بیک قیه طوزدن درتیوز کسور بیک قیه سى كمينك شکستندن طولای ضایع وتلف اولديغى میدانده ایکن محكمه جه بورالری نظر دفته آلتیه رق مارالذ کر يوزيكرمى دردنجی ماده احكامنه کلیاً مغایر اوله رق حکم ایدلمسى اصول محاکمة تجارت نظامنامه سنك يوزيكرمى دردنجی ماده سنك بشنچى فقره سى موجبجه فسح حکمى ایجاب ایتدیکنه واثناى محاکمه درمیان اولنه جق اعتراضات سائر به بناء استینافاً ویریلان اعلامك فسحی استندا اولمقندن ناشی وقوعبولان دعوت اوزرینه معید محاکمه دیون عمومیه اداره سى وکیلى عپکیان افندی ايله معاد علیه آرستیدی پاپانیقوله نك وکیلى موسیو چرونی محكمه به کلوب دولت مشارالها سفارتی ترجمانی موسیو فقارو حاضر اولديغى حاله طرفین وکیللری اعاده محاکمه استدعاسنك قبول وعدم قبول حقنده كى ادعا واعتراضلری حاوی برر قطعه لایحه اعطا ایلدکلرندن لای القراءه معید محاکمه وکیلنك لایحه سى مالی سفینه مذکوره صاحبی آرستیدی پاپانیقوله نك دیون عمومیه اداره سى علیه اقامه ایلدیكى ضرر وزیان

دعوا سنده مدلی تجارت محكمه سنندن ۱۳ تموز سنه ۳۰۹ تاریخنده صدور ایدن اعلام علیه اداره جه واقع اولان استیناف دعواسى اوزرینه اعلام مذکورك اصول محاکمه مغایر اوله رق صدور ایتسندن ناشی ۸ کانون ثانی سنه ۳۱۰ تاریخنده ویریلان قرار ايله فسح اوله رق اساس دعوانك رؤیتنه قرار ویرلمش و اساس ماده حقنده طرفین استماع اولندقدن صکره ۳۰ مایس سنه ۳۱۱ تاریخيله ویریلان اعلامده سفینه نك اداره جه تاریخ حیزندن اعتباراً درت ماه مدت ایچون طقوز یوز بر عثمانلی لیراسيله سکسان غروش ضرر وزیانك مع مصارف محاکمه تأدیه سنه اداره محکوم طوتلش ایسه ده حکم مذکورده هيچ برکونا اسباب موجبه موجود اولمديغى شویله طورسون مغایر قانون اوله رق صدور ایتدیكى تین ایدن بدایت حکمنه مستند ایدوکنه وشو حاله اصول محاکمة تجارت نظامنامه سنك ۱۲۳ و ۱۲۴ نجی ماده لری احكامنه توفیقاً اعاده فسحی ایجاب ایتدیکنه بناءً اسباب اعاده بوجه آتی بیان اولنوب شویله که اولا اساس ماده نك استینافاً تدقیقى صره سنده اداره جه درمیان اولنان مدافعه طلب اولنان ضرر وزیانك مقدارى حقنده اولیوب ضرر نك نوعی حقنده اولديغنه یعنی پاپانیقوله نك نول بدلی وقبولان وطائفه سنك معاش وسائر لری ایچون طلب ایلدیكى مبالغه قارشو اداره نك رفع دعواسى كمينك حیزى صره سنده سیر وسفره صالح اولمديغى وپريشان برحاله صوك آلتده بولنديغى جهتله بوکى ضرر وزیان طلبنه پاپانیقوله نك صلاحیتی اوله میه جنى نقطه سنه حصر ایدلمش وحقی شو دفع دعوائی اثبات ایچون پاپانیقوله نك مضی برقطه پروتستو وبر ژورنال ورده مضبطه ابراز ایدلمش وپاپانیقوله نك حیز واقعدن طولای کوردیكى زیان مجله جلیله نك ۹۱۷ نجی ماده سى موجبجه كمينك حیزى صره سنده كى قیمتی ايله حیزك فیکندن صکره کندوسنه تسلیمی صره سنده كى قیمتی بیئنده اولان فرقندن عبارت اولمق اقتضا ایتدیكى درمیان قلمش ایکن محكمه جه حکم یرنده بوجهتلر کاملاً مسکوت عنه براقیله رق وحقی ابراز اولنان اوراق بيله تدقیق اولنیه رق بلا اسباب موجبجه قرار ویرلمش اولمسى مغایر قانون اولديغندن بوباده ویریلان اعلامك اصول محاکمة تجارت نظامنامه سنك ۱۲۳ نجی ماده سنك اوچنچى فقره سى و ۱۲۴ ماده سنك دردنجی فقره سى موجبجه فسحی لازمکلدیکنه ثانياً منازع فيه كمينك قبولان وطائفه سنك معاش وما كولات وعودتلى مصارف اوله رق محكمه جه حکم ایدیلان یوزسکسان برلیرا اون اون اوچ غروش ضرر وزیان تجارت بحریه قانونك آلتش یدنجی ماده سنه استناد ایدلمش ایسه ده ماده مذکوره نك فقره اخیره سنده « ذکر اولنان اجرت وتضمناتك مقدارى ختام سفرده ویرلمسى مشروط اولان اچقدهن هيچ بروقت زیاده اوله میه جقدر » دیون محرراولسنه ومسئله حاضرده ایسه منازع فيه كمينك اجرا ایتىمى لازمکلان سفرك نصفندن زیاده سنی قطع ایتدیكى محكمه نك تحت تصدیقنده اولديغى جهتله قبولان وطائفه اعطاسى لازمکلان تضمناتك انتهای سفراولان سلا نيك لیمانه وصولارنده آله جقلى اجرتی تجاوز ایتامسى لازمکلدیكى حاله محكمه جه حضمك اقراری موجبجه ايكي ایدن عبارت اولان تکمیل سفرك مدتندن زیاده اوله رق ايكي آی وبش كونلك اجرت وما كولات بدلی حکم ایتىمى ماده مذکوره احكامنه کلیاً مغایر دوشدیکندن اصول

محاکمة تجارت نظامنامه سنك يوزيكرمى دردنجي ماده سنك بشنجي فقره سى موجبجه اسباب اعاده دن محدود بولنديغه ثالثاً منازع فيه كى قبودانك بيتوت مصارف اوله رق قرق سكر ليرا طقسان سكر غروش بدياً طرفيندن انتخاب اولنان اهل خبره جه حداعتداله كوريله رك تصديق ايدليكندن بحثله حكم ايدمش وآنحق اهل خبره جه مبلغ مذكور فاحش كوريله رك يوميه سكر فراق يرينه يالكر بش فراق اعطاسى مناسب كورليكي اعلام بديتمه مندرج راپورده صراحة كوستلش ايكن محكمه جه بورالرى نظر دفته آلميه رق برطرفدن اهل خبره راپورينك تصديقك تحت قراره النسي وديكر طرفدن مذكور راپورك تعين ايتديكي مبلغدن زياده بر مبلغ حكم ايداسى اصول محاکمة تجارت نظامنامه سنك ۱۲۳ نجى ماده سنك بشنجي فقره سى موجبجه اسباب اعاده دن بولنديغه رابعاً منازع فيه كينك نول بدلي اولق اوزره يوميه طونيلاتو باشنه اوتوز ساتيم تضمينات حكم ايداسى تجارت بحريه قانونك ۱۱۶ نجى ماده سنه بنا ايدمش ايسه ده ماده مذكوره ده «سفينه حين قيامنده ويا اثنای سفرده ويا خود تخليه اولنه جنى محله مستأجر ك ويا تحمللردن برينك خطا ويا نكاسلندن طولاي توقيف اولتور ايسه» ديو محرر اولوب دعوای حاضرده ايسه كينك سفرى اداره نك خطا و نكاسلندن دكل فورطنه سبيله توقيف ايدليكي پايانقوله دن مضى محكمه يه ابراز ايديلان بر ورقة رسميه ايله مثبت ايدوكندن وحق كينك يولنده دوام ايتسى حقنده اداره جه قبوداندرسى اخطارنامه تبليغ ايدليكي حالده قبودان مرقوم كينك خرابندن بحثله يوله حيقمغه اقتدارى اولدينى يولنده جواب وريدكي ميدانده اولديغندن وشو حالده محكمه نك يا كلش اوله رق قانوننامه مذكورك ۱۱۶ نجى ماده سنه استناداً حكم ايديشى ماده مذكوره عبارده سنه علناً مغاير اولديغندن نظامنامه مذكورك ۱۲۴ نجى ماده سنك بشنجي فقره سى موجبجه اسباب اعاده دن بولنديغه وخامساً متباقى نول اولق اوزره محكمه جه حكم ايديلان يكرمى يدى ليرا قرق بش غروش تجارت بحريه قانونك ۱۱۸ نجى ماده سنه استناد ايدمش ايسه ده قانوننامه مذكورك ۱۲۴ نجى ماده سنه «غرق وشكست اولمقدن طولاي ضايع وتلف اولان امته ايچون هيچ برنول ویرلسى لازمكلمز واول امته نك نولى ايچون بروجه پيشين آلمش اولدينى آچقهي قبودان عكسى برمقاوله اولدينى حالده اعاده يه مجبوردر» ديو محرر اولديغه و دعوای حاضرده ايسه اداره نك فوچدن تحمیل ايتش اولدينى بشيوز اللى بيك كيلو طوزدن درتيوز بيك كيلوي متجاوز مقدارى كينك شكستندن طولاي تلف وضايع اولش اولسنه وشو حالده محكمه جه مارالذكر ۱۲۴ نجى ماده احكامنه رعايت ايدمش اولسه قبودانه متباقى نول دكل بروجه پيشين آلمش اولدينى يوزاللى مجيدى نولدن برمقدارينك اعاده سنه محكوم قيلمى لازمكليكنه بناءً محكمه نك بوبابده كى قرارى ماده مذكوره احكامنه علناً مغايردوشديكندن اصول محاکمة تجارت نظامنامه سنك ۱۲۴ نجى ماده سنك بشنجي فقره سى موجبجه فسخى ايجاب ايتديكنه واثناى محاکمه درميان اولنه جق اعتراضات شفاهيه سائره بناءً ۳۰ مایس سنه ۳۱۱ تاريخلى اعلامك فسخيله پايانقوله نك دعوای واقعه ده مطالبه يه حق اولدينى ضرروزيانك محجوز كينك زمان حيزنده كى تدنى قيمتندن عبارت اولسنه قرار ویرلسى واول و آخر وقوعبولان مصارف محاکمه نك مرقومه

تحمیلی استدعاسنى شامل ومعاد عليه و كينك لايحه جوابى سى مفادى دخى اولاً ديون عموميه اداره سنك برنجى اعتراضى كويا سفينه نك حين حيزنده پريشان بر حالده بولندينى جهته ضرر وزيانى بحثله نك ۹۱۷ نجى ماده سى موجبجه آنحق اثنای حيزنده كى قيمتيله حيزك فيكى صره سنه كى قيمتى بيننده اولان فرقندن عبارت اولق لازمكليكنى مدافعه درميان ايتش ايكن بواعراض مسكوت عنه قالدینی واديسنده اولوب حالبوكه اعلام معاديهك مطالعسندن آكلاشيله جنى وجهله اداره نك بواعراضى مسكوت عنه بر اقلمش اوليوب بالعكس حيزدن سفينه يه مترتب ضرر وزيانك يالكر تكيه سنه عارض اولان نقصان قيمته منحصر اوليوب اشيا وطاقم وآلات وارداتنه دخى عارض اولان خسار ايله سفينه نك معطل قالدینی ايام تضميناتندن وقبودان وطاقه سى معاش واجرتلرى و ما كولات و مصارفلى و دعوى مصارفى و سائره دن عبارت اولدينى دخى محكمه جه نظر مطالعيه آلنه رق حيزدن مترتب اولان اشبو ضرروزيانلردخى تحت حكمه آلمش و كينك معطل قالدینی ايام تضميناتى تركيب ايدن طقوزنجى قلم ضرروزيانه كلكده محكمه اعتراض مذكورينى دخى مذاكره ايدرك حيزدن كى به ترتب ايدن ضرروزيانلره قانوننامه تجارت بحريه نك ۱۱۶ نجى ماده سيله عادات بحريه نك تطبيق اولنديغنى بيان ايتش اولديغه نظراً اداره نك آنف الذكر ادعا و اعتراضى مردود اولدينى ثانياً اداره مشسارالهاك ايكنجى اعتراضى كويا محكمه جه قانوننامه تجارت بحريه نك ۶۷ نجى ماده سنه بناءً حكم ايدليكي حالده ماده مذكوره نك فقره اخيره سى پيش نظره النيه رق قبودان وطاقه نك معاش واجرت و ما كولات وعودت خرجراهلرى ايچون حكم اولنان مبالغه كويا ختام سفرده آلمش اوله جقلى مبلغدن فضله ايدوكندن عبارت اولوب حالبوكه اداره مومى اليها مبالغ مزبورده نك ختام سفرده قبودان وطاقه يه ویرلسى مشروط اولان آچقهن فضله اولديغنى نه بدياً ونده استيناناً درميان ايتش اولمقدن قطع نظر جهت مذكوره محكمه نك تقديرينه بر اقلمش اولان مسائل تقديرينه دن اولوب اسباب اعاده دن محدود اولديغندن ومعافيه اداره نك اعتراض مشروحي اساساً دخى واهى اوب زيرا كويا بويوزدن حكم اولان تضميناتك قبودان وطاقه نك ختام سفرده آلمش اوله جقلى مبالغدن فضله ايدوكنى استخراج ايچون اجرا ايتديكى حسابات كلياً يا كلش وحققت احواله مبين اولديغندن اعتراض مذكورك دخى واجب رد ايدوكى ثالثاً اداره نك اوچنجى اعتراضى دخى واهى وبي اساس اولوب زيرا محكمه جه قبودانك بيتوت مصارفى اهل خبره راپورى موجبجه وبدياً حساب اولنديغى وجهله يوميه سكر فراتقندن دكل آنحق يوميه بشر فراققندن حساب اولنه رق اولوجهله تحت حكمه آلمديغنى رابعاً اداره نك دردنجى اعتراضى سفينه نك معطل قالدینی مدت ايچون طونيلاتو باشنه يوميه اوتوز ساتيم تضمينات حكم اولمش ايسه ده قبودانك پروتستوسندن مستفاد اولدينى اوزره سفينه مذكوره نه وضع اولنان حيزدن ونده اداره نك صنع وخطاسندن طولاي معطل قالمش اوليوب آنحق فورطنه دن ناقابل سفر بر حاله كلسندن ناشى معطل قالدینی واديسنده اولوب حالبوكه سفينه مذكوره اثنای سفرده ظهورايدن فورطنه دن طولاي بعض خساراته اوغرايدغندن مدلول جزيره سنك پتره لياننه التجا ايتش وادج هغه طرفنده خساراتى تعمير و ترميم ايديلوب سفرينه دوام

ایتمی ممکن اولدینی اول وقت تعیین اولنان اهل خبره طرفندن کشف اولنش ایکن جانب اداره دن بیوجه وضع اولنان حجزدن طولانی سفینه نك اجرای تعمیر یله یولنه دوامی منع ایدلمش واولوجهله مدت مدیده معطل قلمسینه اداره مشارالیه سبب اولمش ایدوکندن اعطای تضمیناته مجبورت قانونیه سی بدیداروشوسیه میندرکه سفینه نك معطل قالدینی مدت ایچون حکم اولنان استاریه تضمیناتندن تعمیر وترمیمنه الزم اولان اوچ هفته نك تنزیله ایام بقیه ایچون یومیه اوتوزر سنانیم تضمینات تحت حکمه النمش ایدوکی وخامساً اداره نك بشنجه اعتراضی محکمه تجارت بحریه قانوننك ۱۱۸ نجی ماده سنه استناداً نول بقیه سی اولقی اوزره موکله یکریمی یدی لیرا ایله قرق یدی غروش حکم ایش ایسه ده کمی به محمول اولان طوزك قسم کلیسنك ضایع اولدینی وبناء علیه قانون مذکورك ۱۲۴ نجی ماده سی موجبجه بقیه نول دکل بالعکس بوجه پیشین ویریلان مقدارنولك دخی استرداد ایجاب ایلدیکنی نظر مطالعیه آلامش ایدوکی زمینده اولوب بوعراض دخی غیروارد اولدینی زیرا مذکور ۱۲۴ نجی ماده نك احکامی غرق وشکستدن نشأت ایدن حموله ضیاعنه شمولی اولوب موضوع بحث اولان خصوصده ایسه کینک حموله سی اولان طوزبوکی احوال دن ضایع وتلف اولمش اولیوب کینک خساراته اضراد یغنده حموله سی اولان طوزك موجود ایدوکی ومؤخراً جانب اداره دن اجرا قلنان حجزدن طولانی کینک تعمیری منع اولنقله رخنه لرندن انباره کیرن دکز صویندن طوز اریوب محو وتلف اولدینی خصوصاً رینه بناء اداره مشارالیه نك اعاده محاکمه استدعاسنك ردیله مصارف محاکمه محکومیتی لزومی متضمن بولنش وبونك اوزرینه طرفین وکیلاری لایحه لری مندرجانی لساناً دخی تکرار ودها بریدیه جککاری اولدینی واقع اولان سؤاله جواباً بیان وتذکار ایتلریله اعاده محاکمه استدعاسنك قبول وعدم قبولی حقه ده کی محاکمه لرینک ختام بولدینی ومذاکره نك اجرایی هفته آتی به تعلیق اولدینی تفهیم قلمش وبعده هیئت محکمه نك تبدلندن طولانی محاکمه تکرار کشاد اولنقله ترجمان مومی الیه حاضر اولدینی حالده معاد علیه وکیل موکلی ارستیدی پاپانیقوله نك بوکره وقوع وفاتیه وارثی اندریا پاپانیقوله دعوی واقع نك اتمام رؤیتی ضمیمه یونان سفارتندن بر قطعه تقریر کتیرتمش اولدینی کی کندیسنی ده مصدق وکالتنامه ایله خصوصته وکیل تعیین ایتدیکندن اولوجهله دعویاه دوام اولمنسی طلب واول بابده درسعادت یونان قونسولاتوسنك ۲۲ حزیران سنه ۱۸۹۶ تاریخلی بر قطعه شهادتنامه سیله ۲۴ حزیران سنه ۳۱۲ تاریخلی ومن کور قونسولاتودن مصدق بر قطعه وکالتنامه وبر قطعه لایحه ابراز ایتیکله لدی القرائه شهادتنامه نك خلاصه مالی قونسولاتوده موجود اوراق رسمیه دن مستبان اولدینی اوزره شیرده وفات ایدن تبعه یونانیه دن وتجار دن ارستیدی پاپانیقوله شیرا مقاولات محرر لکنده تنظیم قلنان ۲۵ مارت سنه ۱۸۹۶ تاریخلی و ۲۸۹۶ نومرولی رسمی وصیتنامه موجبجه برادری یونان بحریه ضابطانندن اندریا پاپانیقولی نی وارث محضر تعیین ایتدیکنی ومن کور وصیتنامه نك نظامات محلیه به توفیقاً ۲۷ مارت سنه ۱۸۹۶ تاریخنده شیرا بدایت محکمه سنده اعلان اولدینی حاوی ووکالتنامه نك خلاصه مالی دخی مرقوم اندریا پاپانیقولی متوفی ارستیدی پاپانیقوله وارثی اولقی حسیله هر بر شخص ایله اولان

امور وخصوصات ودعاوی حالیه ومستقبله ایچون درسعادت کافه محاکم محلیه واجنبیه مراجعتله محاکمه ومخاصمه وتخلیف وتخلفه واوراق قبول وامضایه ومفید اعلانات ایله سنداتی اجراییه ومخالف اولانلری علیه کافه وسائط قانونیه سی استعماله وبو بابده مجتمعا ومنفرداً اجرای وکالتیه وآخری توکیله مأذون اولقی اوزره صفت مشروحه سنه مبنی طرفندن آووقات قسطی چرونی ایله قبودان آیینوندا قوجیایی توکیل ایلدیکنی مبین اولدینی واولوجهله مرقوم اندریا پاپانیقوله صفت وراثتی وموسیو چرونی نك دخی وکالتی تحقیق ایتیکله سفارت مشارالیه دن مورود اولوب ۱۸ مایس سنه ۳۱۲ تاریخنده معامله قانونیه سی ایفا ایتدیریلان ۱۹۴ نومرولی تقریرایله وکیل مومی الیه موسیو چرونی طرفندن اعطا قلنان مذکور لایحه قرائت اولنقله تقریرک مالی متوفی ارستیدی پاپانیقوله برادر وارثی تبعه یونانیه دن وقبودان زمره سنندن شیراده مقیم اندریا پاپانیقوله قونسولوسخانه یه اعطا ایلدیکنی استدعایه ده متوفی برادرینک «الفتریا» نام سفینه سی فوچه دن سنانیکه طوز نقلی ایچون بیک سکز یوز سکسان آلی سنه میلادی سنده دیون عمومیه عثمانیه اداره سی جانبندن استیجار اولنقله اثنای سفرده ظهور ایدن فورطنه دن طولانی سفینه مذکور خساراته اضراد قله لاجل تعمیر مدلولونک پتره لیمانه النجا و اجرای تعمیر ایچون حموله سی اولان طوزك تخلیه سی اقتضا ایلدیکندن و طوزك حکومت محلیه نك انضمام رأی ومعاونتی اولقسزین تخلیه سی ممکن اولدیفندن سفینه قبودانی محل مذکور دیون عمومیه مأمورینه مراجعتله طوزك تخلیه سنه رخصت اراهه و اجرای معاونت اولمنسی طلب ایش ومأمور مومی الیه دخی تخلیه به رخصت ویرمش ایسه ده آمری بولان مدلولو دیون عمومیه ناظری امر تخلیه یی قطعاً منع ایتیکله کرک سفینه نك تعمیری وکرک حموله سی اولان طوزك تخلیسی ممکن اوله میهرق سفینه انبارینه دخول ایدن دکز صویندن طولانی مذکور طوز اریوب محو اولمش ایدوکی وناظر مومی الیه طوزك اولوجهله تلفندن آمرلری عندنده مسئولیتی سترا ایچون طوزك کویا سفینه نك قصورندن محو وتلف اولدینی ادعایله اولبابده مدلولو تجارت محکمه سنده ضرروزیان دعوا سنه قیام وسفینه یی دخی حجز ایش اولدینی ومتوفای مرقوم دخی دیون عمومیه اداره سنك بومعامله سنندن طولانی بروتستو ایدرک سفینه نك حجزندن وقوعه کلان ضرروزیاننك تضمینی ایچون مقابله اقامه دعوی ایلدیکنی ومدلولو تجارت محکمه سنده جریان ایدن محاکمات کثیره وصادر اولان اعلانات متعدده دن صکره اداره نك دعوا سی محکمه مذکورجه رد اولنقله اولبابده ویریلان حکم واعلام درسعادت تجارت بحریه محکمه سنندن استینافاً تصدیق قلدینی ومؤخراً متوفای مرقومک ضرروزیان دعوا نك بر قسمی مدلولو تجارت محکمه سنجه بالرؤیه اداره طرفندن متوفایه طقوز یوز قرق درت عددلیرای عثمانی تضمینات اعطاسنه حکم اولنوب حکم مذکور دخی اداره طرفندن درسعادت تجارت بحریه محکمه سنده استیناف اولنقله محکمه بحریه نك ۳۰ مایس سنه ۳۱۱ تاریخلی اعلامیه حکم ابتدائی مذکور تعدیل اولنقله یالکز طقوز یوز بر ایرا تضمینات تحت حکمه آلدینی واشبو حکم استینافی علیه ده دخی اداره مشارالیه جانبندن اعاده محاکمه اولنقله کیفیت در دست رؤیت ایکن مرقوم ارستیدی پاپانیقولی شیرده فوت اولوب کندیسنی بارسحی وصیتنامه وارث مطلق ومنحصر براقش اولدینی

و وصیتنامه مذکور وظیفه دار اولان شیرا بدایت محکمه سندن تصدیق و اعلان اولدینی خصوصاً سندن بجهت کیفیت دیون عمومیه عثمانیه اداره علیه سینه اخبار و متوفی برادری ایله اداره مشارالیه بابت در دست بولان اعاده محاکمه دعواسی وارث صفتیه تمقیب ایده جکینی بیان و حال حیاتیده متوفی برادری طرفندن تقدیم اولان لایحه لدرده مسطور اسباب و ادله دن دخی مستبان اولدینی وجهله اداره نک آنف الذکر اعاده محاکمه استدعاسی بی اساس و غیر وارد بولندیغندن محکمه یه دعوتیه مذکور اعاده محاکمه دعواسنک ردی و اعلام معادیه موجبجه تحت حکمه آلان مبالغ ایچون فائض نظامی یوریدلمسی و نظاماً لازمکن جزای نقدی و ضرر و زیان و محاکمه مصارفی و وکیل اجرتی و سایر نک اداره مشارالیه عائدتی و ویریه جک حکمک موقتاً اجرایی خصوصاً سرنک اعلامه ربطی طلب و استدعا ایلدیکی جهته بر موجب استدعا اجرای ایجابی التماسی حاوی و مذکور لایحه نک مالی دخی ضبط سابقه مندرج لایحه مندرجاتی تکرار دن عبارت ودها بعض تفصیلاتی محتوی بولنش و معید محاکمه وکیلی عیکیان افندی دخی اعاده محاکمه استدعا و لایحه سنده مسطور اوله و اسباب اعاده بی تکرار ایله استدعای مذکور ک قبول و اعلام معادیه فسخ ایلمسی طلب و معاد علیه وکیلی موسیو چرونی اشبو اعاده محاکمه استدعاسنک ترویجی ایچون خصم طرفندن سرد ای دیلان علل و اسباب بی اساس و غیر وارد بولندیغنی اول و آخر تقدیم ایلدیکی لایحه لرنده مفصلاً عرض و بیان اولندیغندن استدعای مذکور ک ردی لزومی تذکار و عندالسؤال ده بر دیه جکلری اولدیغنی و کیلان مومی الیهما افاده و بیان ایش اولملریله ختام محاکمه بعدالتفهیم حکمی علیهنده اعاده محاکمه ای دیلان اعلامک مضبوطه سی بالمطالع ایجابی تذکر اولند قدده دیون عمومیه اداره سی وکیلنک اعاده محاکمه استدعاسنک قبولی ایچون در میان ایلدیکی اسبابدن برنجیسی اساس ماده نک حین تدقیقنده اداره جه در میان اولان مدافعه ضرر و زیانک مقداری حقنده اولیوب ضررک نوعی حقنده اولدیغنه یعنی پاپا نیقوله نک نول بدلی و قبودان و طائفه سنک معاش و سایر لر ایچون طلب ایلدیکی مبلغه قارشو اداره نک دفع دعواسی کینک چیزی صره سنده سیر و سفره صالح اولدیغنی و پریشان بر حالده صویک آلتده بولندیغنی جهته بوکی ضرر و زیان طلبنه پاپا نیقوله نک صلاحیتی اولدیغنی نقطه سینه حصر ایلمش و شو دفع دعوائی اثبات ایچون پاپا نیقوله دن ممضی بر قطعه پروتستو و بر ژورنال ورده مضبوطه ابراز ایلمش و پاپا نیقوله نک جز واقعدن طولانی کوردیکی زیان مجله نک ۹۱۷ نجی ماده سی موجبجه کینک چیزی صره سنده کی قیمتی ایله جزک فکندن صکره کنديسنه تسلیمی صره سنده کی قیمتی بیننده اولان فرقندن عبارت اولق اقتضا ایلدیکی در میان قلمش ایکن محکمه جه حکم یرنده بو جهتلر کاملاً مسکوت عنه بر اقیله رق و ابراز اولان اوراق بیه تدقیق اولمیه رق بلا اسباب موجب قرار ویرلمش اولدیغنی خصوصاً سندن عبارت اولوب حالبوکه اعلام معادیه تذکر محکمه طوزک قسماً ضایع و تلف اولسندن طولانی دیون عمومیه اداره سی جانبندن سفینه قبودانی عاپهنده اقامه اولان تضمینات دعواسنک ردیه سفینه یه وضع اولان جزک فکی قطعاً تحت حکمه آلندیغنی تصادق طرفین ایله ثابت اولدیغندن دعواسنده حق سز چیقان اداره مشارالیه نک جز مذکور دن

طولانی صاحب سفینه یه ترتب ایدن ضرر و زیان و مصارفک تضمین و تسویه سینه مجبور بولندیغنه قرار ویرل کدن صکره صاحب سفینه طرفندن طلب و دعوی اولان تضمینات و مصارف دخی یکان یکان تدقیق و تقدیر اوله رق اولوجهله اداره مشارالیه نک مدافعه و اعتراض لرینه اسباب موجبیه بیانیله جواب ویرلمش اولدیغندن اشبو برنجی سبک غیر وارد بولندیغنی جهته ردینه و ایکنجیسی سفینه قبودان و طائفه سنک معاش و ما کولات و عودت لری مصارفی اوله رق محکمه جه حکم ای دیلان یوز سکسان برلیرا اون اوچ غروش ضرر و زیان تجارت بحریه قانوننک ۶۷ نجی ماده سینه استناد ایلمش ایسده ماده مذکور نک فقره اخیر سنده « ذکر اولان اجرت و تضمیناتک مقداری ختام سفرده ویرلمسی مشروط اولان ایچدن هیچ بروقت زیاده اولمیه جقدر » دیو محرر اولسنه و دعوی واقعه ده منازع فیه کینک اجرا ایتمی لازمکلان سفرک نصفندن زیاده سی قطع ایلدیکی محکمه نک تحت تصدیقنده اولدیغنی جهته قبودان و طائفه اعطاسی لازمکلان تضمیناتک انتهای سفر اولان سالنیک لیانته وصول لرنده اله جکلری اجرتی تجاوز ایتماسی لازمکلدیکی حالده محکمه جه خصمک اقراری موجبجه ایکی آیدن عبارت اولان تکمیل سفرک مدتندن زیاده اوله رق ایکی آی و بش کونلک اجرت و ما کولات بدلی حکم ایلمسی ماده مذکوره احکامه کلیاً مغایر دوشدیکینی مبین اولوب حالبوکه محکمه جه تحت حکمه النان مذکور یوز سکسان بر کسور لیرانک حیزدن متولد ضرر و زیان و مصارفدن معدود اولدیغنی و طرفینسندن منتخب اهل خبره جه حد اعتدال دائره سنده کوریلهرک متفقاً قبول و تصدیق اولدیغنی اعلام معاد بهده مصرح و مذکور ۶۷ نجی ماده قانونیه نک فقره اخیر سینه تطبیق اولمیه جفی آشکار اولدیغندن اشبو ایکنجی سبک دخی غیر وارد کوردیکی جهته ردینه و اوچنجیسی سفینه مذکوره قبودانک بیتوتت مصارفی اوله رق قرق سکز لیرا ایله طقسان سکز غروش اهل خبره جه فاحش کوریلهرک یومیه سکز فرائق یرینه یالکز بش فرائق اعطاسی تنسیب ایلدیکی اعلام بدایتده مندرج راپورده صراحة کوسترلش ایکن محکمه جه بورالری نظر دفته التمهیه رق بر طرفدن اهل خبره راپورینک تصدیق و دیگر طرفدن مذکور راپورک تعیین ایلدیکی مبلغدن زیاده بر مبلغک حکم ایلمسی اصول محاکمه تجارت نظامنامه سنک ۱۲۳ نجی ماده سنک فقره خامسه سی موجبجه اسباب اعاده دن بولندیغنی متضمن اولوب حالبوکه بویوزدن محکمه جه تحت حکمه النان مبلغ راپورده مندرج مقدار دن فضله اولدیغندن اشبو اوچنجی اعتراضک دخی غیر ملتفت بولندیغنی جهته ردینه و دردنجیسی قانوننامه تجارت بحریه نک ۱۱۶ نجی ماده سینه بناء سفینه مذکوره یه یومیه طونیلاتو باشنه اوتوز ساتیم تضمینات حکم اولنش ایسده سفینه نک توقیفی اداره نک خطا و تکاسلندن دکل فورطنه دن ایلرو کلدیکی پاپا نیقوله دن ممضی اوله رق محکمه یه ابراز اولان بر ورقة رسمیه ایله مثبت و حتی سفینه نک یوله دوام ایتمی حقنده جانب اداره دن قبودانه رسمی اخطار نامه دخی تبلیغ ایلدیکی حالده قبودان مرقوم سفینه نک خرابندن بجهتله یوله چیقمهغه اقتداری اولدیغنی یولنده جواب ویردیکی میدانده اولدیغندن سفینه مذکوره بر منوال محرر تضمینات حکم ایلمسی مارالیه ۱۱۶ نجی ماده عبار سینه علناً مغایر

اولدین بیانندن عبارت اولوب حالبوکه سفینه نك توقیفی جانب اداره دن وضع ایدیلان حجز دن نشأت ایلدیکنه مبنی اداره مشار الیه نك بویوزدن صاحب سفینه یه اعطای تضمیناته محکومیتی مارالذکر ۱۱۶ نجی ماده قانونیه احکام و عبارته سنه موافق ایدوکندن اشبو دردنجی سببک دخی نامحل کوروندیکی جهته ردینه و بشنجیسی بقیه نول اولق اوزره تحت حکمه آلان یکریمی یدی لیرا ایلر قرق بش غروش قانوننامه تجارت بحریه نك یوز اون سکزننجی ماده سنه استناد ایدلمش ایسه ده اداره نك فوجه دن تحمیل ایتدیکی بشیوز الی بیک کیلو طوزدن درتیوز بیک کیلوی متجاوز مقداری سفینه نك شکستندن طولای تلف و ضایع اولدیغه نظراً قانوننامه مذکورک یوز یکریمی دردنجی ماده سی موجبجه قپودانه نول بقیه سی دکل بوجه بشین آلمش اولدینی یوز الی مجیدی نولدن بر مقدارینک اعاده سنه حکم ایدلمش لازمکدیکندن و بناء علیه محکمه نك یوبایدکی قراری ماده مذکوره احکامه علناً مغایر دوشدیکندن فسخی ایجاب ایتدیکی زمینده اولوب فی الواقع اعلام معاده حجزدن طولای سفینه یه ترتب ایدن ضرر و زیان و مصارفک تضمینی تحت حکمه آلدقندیشقه نول ایچون دخی یوز الی مجیدی یعنی یکریمی یدی لیرا ایلر قرق بش غروش حکم اولمش ایدوکنه و بو ایسه اجرت ایلر ضما نك اجتماعی تجوز اتمان مجله نك سکسان آلتنجی ماده سی عبارته سنه علناً مغایر دوشدیکنه و حکمک عبارته قانونه علماً مغایرتی اصول محاکمه تجارت نظامنامه سنک ۱۲۴ نجی ماده سنک فقره خامسه سی موجبجه اسباب اعاده دن معدود بولدیغه مبنی معید محاکمه وکیلک بوجه بالا درمیان ایلدیکی اسبابدن یالکز اشبو بشنجی سببک اعاده محاکمه یه موجب احوال دن کورندیکی جهته بوجه تندن طولای اعاده محاکمه استدعاسنک قبوله بالاتفاق قرار ویریلرک تفهیم اولندقدن صکره معید محاکمه وکیل مؤکلی بولان دیون عمومیه اداره نك اعاده محاکمه استدعاسنک قبولیه اعلام معاده فسسخ اولدیغندن و شو حالده دعوانک ازسرنو رؤیت و تدقیق ایجاب ایلدیکندن مدعی صفتی خا نر اولان معاد علیه وکیلک دعواسنی محکمه یه عرض ایتسی لزومی افاده و معاد علیه وکیل جوابنده اداره نك اعاده محاکمه استدعاسنده مسطور بش اسباب اعاده دن دردی محکمه جه بی اساس وغیروارد کوریلرک رد ایدلمکله اعلام معاده اولباده اولان جهات حکمیه لری ابقا و یالکز نول بقیه سی اوله رق محکوم به اولان یکریمی یدی لیرا ایلر قرق بش غروشه متدائر اولان بشنجی سبیدن طولای مذکور اعاده محاکمه استدعاسی قبول ایدلمش اولدیغندن یالکز بوجهت حقنده اجرای محاکمه اولتمق ایجاب ایدوب اعلامک جهات سائر سائر سائر موقع بحث و مذاکره یه وضع اولنه میه جفتی اتیان ایلر خصوص مذکوره دائر لایحه ویرمک اوزره استمهال ایتش اولدقندن اولوجهله طرفین وکیلارندن لایحه ویرمک اوزره کیفیتک تعلیق اولدینی کونده معید محاکمه دیون عمومیه اداره سی طرفندن اداره نك حقوق مشاوری موسیو علیکساندر اسپاندونی ایلر کرک مشترکاً و کرک منفرداً اجرای وکالته مأذون اولق اوزره صورت عمومیه ده توکیل اولان موسیو ژورژ شابر ایلر معاد علیه وکیل موسیو چرونی محکمه یه کله رک ترجان موسیو ایلر حاضر اولدینی حالده قرار سابق وجهله وکیلان موسیو ایلر طرفندن بررقلعه لایحه اعطا

اولمغه لای القرائه مدعی صفتی خا نر اولان معاد علیه وکیلک لایحه سی مآلی دیون عمومیه اداره سنک یونانی ارستیدی پاپایقولی یه عائد اولان «الفتریا» نام یلکن سفینه سی بغیر حق حجز ایتمسندن طولای ضرر و زیان اوله رق مرقوم ارستیدی پاپایقولی یه طقوز یوز بر عدد لیرای عثمانی ایلر بدایت و استیاف محاکمه سی مصارفی ادایه محکومیتی حاوی اشبو محکمه دن استینافاً صادر اولان ۲۸ اغستوس سنه ۳۱۱ تاریخلی و ۴۰ نومرولی اعلام حکمیه اداره موسیو ایلر عدم قناعته اعاده محاکمه یه قیام و اولباده بش نوع اسباب اعاده سرد و درمیان ایدرک اعلام مذکورک فسسخی استندا ایتش و کیفیت اونقطه ده ایکن مرقوم ارستیدی پاپایقولینک وقوع و فانیله وارثی بولان موکلی اندریا پاپایقولی اعاده محاکمه نك ردینی طلب ایتش و محکمه دخی اداره نك ایلک درت اسباب اعاده سی رد ایدرک یالکز صوک بشنجی سبب اعاده یی یعنی بقیه نول اولق اوزره قانوننامه تجارت بحریه نك یوزاون آلتنجی ماده سی موجبجه سفینه مذکوره قپودانه حکم اولان یکریمی یدی لیرا قرق بش غروشه متدائر اولان اعتراضی قبول ایلر یالکز بوجه تندن طولای اعلام مذکورکی فسسخ ایتمکله اعلامک متباقی جهات حکمیه سی کاملاً باقی قالدق کسب قطعیت ایتش اولدینی و اعاده محاکمه استدعاسنک قبولی تقدیرنده اعلام معاده نك فسسخه دائر اعلام ویریلرک ناطق اولان اصول محاکمه تجارت نظامنامه سنک یوز اوتوز سکزننجی ماده سنک مآلی بومرکزده اولوب زیرا معلوم اولدینی اوزره بر اعلامده اکثریا متعدد مواد مستندا بولدیغندن اول اعلامده نه قدر مواد مستندا و ارایسه اول قدر حکم و قرارلر دخی موجود اولوب بناء علیه قانونده مسطور اولان اعلام کله سندن اول اعلامک حاوی اولدینی کافه احکام و قرارلر منفهم اولوب بالعکس هر حکم و قرار آیرو آیرو منفهم اولدینی مکررکه متعدد جهات حکمیه سنک یکدیگرنندن تفریقی ناقابل اوله و دعوی حاضرده معاده اولان اعلام بشقه بشقه و یکدیگرنندن کلیاً آیرو اوله رق متعدد قرارلری حاوی اولدیغندن اشبو قرارلر دن برینک فسسخی سائر بالمله قرارلرک فسسخی ده استلزام ایتدیکی و شو حالده بودفعه کی محاکمک قبول اولان بشنجی سبب اعاده یه یعنی بقیه نول اوله رق سفینه قپودانه ایفاسی لازمکلان مبلغ اوزرینه جریان ایتسی اقتضای ایلدیکی و اشبو نول بقیه سی اوله رق طلب اولان یکریمی یدی لیرا قرق بش غروش اساساً قانوننامه تجارت بحریه نك یوزاون آلتنجی ماده سنه و کمیته اصول و عادات بحریه یه مستندا اولوب زیراماده مذکوره سفینه انای سفرده مستأجرک خطا ویا تکاسلندن طولای توقیف اولنور ایسه نشأت ایدن مصارف ایلر ضرر و زیانک ایفاسنه مستأجر مرقومک مجبور اولدینی صراحة مذکور اولدینی کبی اصول و عادات بحریه ایجابجه دخی سفینه نك سفری مستأجرک صنع و فعلیه قطع اولدینی تقدیرده مستأجر مرقوم مقرر اولان نولی کاملاً ادایه مجبور اولدینی و موضوع بحث اولان خصوصه مجموع نول بشیوز الی عددسیم مجیدی یه قرارلشدیرلمش اولوب بونک پشیناً اخذ ایدلمش اولان یوز الی مجیدیسی عندالتنزیل نولک بقیه سی درتیوز مجیدیدن عبارت ایسه ده حمله نك بر قسمی ضایع اولقله موکلی طرفندن انحق تخلیص اولان مقدار حمله نك نولی اولان یوز قرق سکزن مجیدی یعنی یکریمی یدی لیرا قرق بش غروش طلب و دعوی اولمش ایدوکی و حمله نك ضایع

اولدیغندن بختله قانوننامه تجارت بحریه نك یوز یکریمی دردنجی ماده سی موجبجه نول طلب ودعوایه موکلنك حق اولدیغنه دائر خصم طرفندن درمیان اولنان اعتراض کلیاً باطل اولوب زیرا واقعا حموله نك بر قسمی ضایع وتلف اولمش ایسه ده موکلی آنحق تخلیص اولنان مقدار حموله ایچون یعنی یوز الی بیک قیه طوز ایچون نول طلب ودعوی ایتش اولدینی وبوندن قطع نظر حموله نك ضایع اولان قسمی فورطنه دن ضایع اولیوب بالعکس قوه جبریله ایله سفینه نك تعمیرینی منع ایدن خصمك تقصیریه ضایع اولدینی چونکه اولوجهله سفینه تعمیرسز قالمغله دکر صوی انباره دخول ایدرهك طوزی اریتمیرمش اولدینی ودرجه ثانیه ده اوله رق خصمك ادعاسی وجهله اعلامك برجهت حکمیه سنك فسخی قضیه سی اول اعلامك حاوی اولدینی کافه قرارلرک فسخی مستلزم اولدینی فرض اولنسه بیله بوتقدیرده دخی مؤکلی طرفندن طلب ودعوی اولنان ضرر وزیانلر حقنده کی خصمك اعتراضاتی اولا اعاده محاکمه ایچون درمیان اولنان ایلک درت اسبابک ردینه دائر محکمه جه استناد اولنان علل واسباب موجبیه ثانیاً درجه اولی اعلامی علیهنده وقوعبولان دعوی استثنایه نك ردینه دائر ویریلان اعلامده محرر علل واسباب موجبیه وثالثاً سالف الذکر دعوی استثنایه ایله اعاده محاکمه دعواسنده تقدیم قننان لایحه لرده مندرج ادله واسبابه مبنی غیروارد اولدیغندن مدعابه اولان ضرر وزیانلرک تحت حکمه آلمسی واجب ایدوکی وبوندن قطع نظر اولا مدلی ده کی دعوی وکیلی ایچون طلب اولنان الی لیرا اجرت وکالتک وکیل مومی ایله طرفندن ویریلان مقبوض سندیه ثابت اولدیغندن ثانیاً ترجمه خرجی اولان سکر لیرا ایله مقاولات محررلکی خرجی بولنان بر لیرا یتش ایکی غروشه خصم طرفندن اعتراض وقوعبولدیغندن ثالثاً طاقه اجرتی اوله رق طلب ودعوی اولنان الی بش لیرا قرق بش غروش ایله ما کولاتلری مصارفی اوله رق آرانیلان یکریمی سکر لیرا اوتوز غروش وقودانک معاشاتی اولاق اوزره طاب ایدیلان قرق بش لیرا اون ایکی غروش وقودان مرقومک بیتوت مصارفی اولان قرق سکر لیرا طقسان سکر غروش وطاقه نك ملکتلرینه عودتلری خرجراهی اوله رق آرانیلان اونبرلیرا یتش ایکی غروشکه جمعاً یوزسکسان طقوز لیرا الی یدی غروش قانوننامه تجارت بحریه نك ۶۷ نجی ماده سنه مستند اولوب اشبو ماده قانونیه ده سفرك اجراسی کیمک قیام وحرکتندن صکره مستأجرک تسیندن طولانی منع اولنور ایسه طاقه نك رؤسا ونفرائتک استخدام اولندقلری وقته اصابت ایدن معاش واجرتلری تأدییه ایضا اولنه جتی مسطور بولندیغندن ومبحوث عنه اولان خصوصده دخی قبودان وطاقه ایچون طلب اولنان معاش واجورات استخدام اولندقلری ایامه متناسب بولندیغندن رابعاً سفینه نك معطل قالدینی ایام تضمیناتی اوله رق طلب ودعوی اولنان آلتیوز اون سکر لیرای عثمانی اساساً تجارت بحریه قانوننك ۱۱۶ نجی ماده سنه ومقدارجه اصول وعادات بحریه مبتنی اولوب زیرا ماده مذکورده سفینه انشای سفرده مستأجرک خطا ویا تکاسلندن طولانی توقیف اولنورایسه مستأجر تأخرندن نشأت ایدن مصارف ایله ضرروزیانی قبودانه ایفایه مجبور ایدوکی مسطور اولدینی کی اصول وعادات بحریه جه دخی برکیمک توقیف اولنسندن طولانی ایفاسی لازم کلان تضمیناتک

کیمک طونیلاته باشنه یومیه اوتوزر سانتیمدن حساب اولنسی اقتضا ایلدیکندن ومبحوث عنه اولان خصوصده موکلنك سفینه سی حجزک اجرا اولدینی ۵ کانون اول سنه ۳۱۲ تاریخندن اعتباراً حجز مذکورک فکی تاریخی اولان ۲۸ مایس سنه ۳۱۳ تاریخنه قدر توقیف اولدینی رسماً ثابت اولوب بوندن تعمیر یچون اقتضا ایدن اوج هفته تنزیل قلندیغندن خامساً اهل خبره اجرتی اوله رق طاب ایدیلان بش لیرا ایله طلوبه لک تعمیر یچون آرانیلان اون لیرا که جمعاً اون بش عدد لیرانک ابراز اولنان اوراق ایله مثبت بولندیغندن سادساً شکست اولان خلایط ایله بوزیلان یلکنلرک بدلی ایچون آرانیلان الی لیرا اهل خبره ایله محکمه نك تقدیرینه مستند بولندیغندن سابماً بدایه حکم غیابی مصارفی اوله رق آرانیلان الی درت لیرا سکسان غروش کسب قطعت ایدن مارالذکر حکم غیابی اعلامیه ثابت بولندیغندن وثامناً استیناف محکمه سی مصارفی اوله رق طلب اولنان یکریمی ایکی لیرا الی اوج غروش اشبو محکمه بحریه نك حکم واعلانیه مستند ایدوکندن وبالاده محرر ایکنجی اوجنجی دردنجی بشنجی آلتنجی یدنجی وسکرنجی قلم تضمینات اشبو محکمه دن استینافاً واعاده ویریلان حکم واعلاملرده تقدیر اوله رق تحت حکمه آلمش ایدوکندن ودعوی استیناف ایچون اجرت وکالت اوله رق آرانیلان ایکویز ایکی لیرا محکمه نك تقدیرینه منوط اولوب دعوی حاضره اون سنه دهر ودرست رؤیت بولندیغنی ووکیلک بودعواده درتیوزدرت شتالی وقوعبولدینی پیش نظره آنورایسه اجرت مذکورنك محق کوریه چکی اشکارایدوکندن مبالغ مذکورنك تصدیق وتحصیلی ایجاب ایلدیکی خصوصلرینه بناء اسباب معروضه دن طولانی اعاده محاکمه اوزرینه صدر اولان حکم موجبجه اعلام معادیهک بقیه نول اولان یکریمی یدی اوراق قرق بش غروش حقنده کی جهت حکمیه سندن ماعداسا ترکانه احکام وقرارلری باقی ومصدق اولدیغنه قرار ویرلمسی واشبو یکریمی یدی لیرا وقرق بش غروشک دخی یکیدن تحت حکمه آلمسی ودرجه ثانیه ده اوله رق خصمک بیک ایکویز اون بر عثمانی لیراسیله آلتش ایکی غروشه محکوم ایدلمسی وبالجمله محاکمه مصارفک اکا عائدیتی طابنی حاوی ومعیده محاکمه وکیلنك لایحه جوابیه سی مفادی دخی موکلی بولنان دیون عمومیه اداره سی ۲۸ اغستوس سنه ۳۱۱ تاریخنده اشبو محکمه بحریه دن ویریلان برقطعه اعلام موجبجه پاپا نیقولینک «الفتریا» نام کیمسنک حجزندن طولانی طقوز یوز بر عثمانی لیراسی وسکسان غروش ضرر وزیان تسویه سنه محکوم ایدلمش وعلام مذکور عامینه اداره نك وقوعبولان اعاده محاکمه استدعاسی اوزرینه محکمه جه طرفین بعداستماع ۹ تموز سنه ۳۱۲ تاریخنده اعاده محاکمه استدعاسنک قبولیه یکیدن اجرای محاکمه یه قرار ویرلمش وبوکره پاپا نیقولی طرفندن تقدیم اولنان لایحه ده دعوانک یالکنر اعاده محاکمه استدعاسنک قبولیه محکمه جه سبب اتخاذ ایدیلان جهته حصر ایدلمک ایستلمکده ایسه ده اصول محاکمه تجارت نظامنامه سنک ۱۳۸ نجی ماده سنه «بالعکس اعاده محاکمه استدعاسی قبول اولدینی تقدیرده رد اولنان اعلامک فسخیه طرفین اشبو اعلامدن اول بولندقلری حاله رجعت قلمسنه حکم اولنه جقدر «دیو محرر اولسنه وشو حالده اداره نك اعاده محاکمه استدعاسنک قبولیه ۲۸ اغستوس ۳۱۱ تاریخلی اعلام کان لم یکن حکمنده قالمش اولسنه بناء بودرجه قطعی المفاد وتردده محل برافاز برعباره قانونیه قارشو پاپا نیقولینک

دوام محاکماتی یا لکنز اعاده محاکمه استدعاسنک قبوله سبب اولان جهت حصر ایله اعلام مذکورک دیگر جهت لریسک قطعیت کسب ایتیش کی تلقی ایتیشی و بوبابده مسئله حاضرده اصلاً جهت تعلق اولیان بر طاقم قوانین اجنبیه دن بحث ایتیشی غیر مقبول ایدو کندن منازع فیه موادک کافه سی حقنده دوام محاکمه ضروری بولنش ۸ اغستوس سنه ۳۱۱ تاریخده اشبو محکمه دن ویریلان استیناف قراری مدلی تجارت محکمه سندن ۱۳ تموز سنه ۳۱۰ تاریخده ویریلان بدایت اعلامی فسخ ایتیش اولسنه نظراً آرتق طرفین بومسئله دایر صدور ایدن اعلاماتک هیچ برندن استفاده حق و صلاحیت قانونیه لری قالدیغندن یکی باشند محاکمه بدای اولنسی لازمکله چکی درکار بولنش ایدو کنه و درجه ثانیه ده اوله رق پاپا نیقولینک لایحه سنده اساس ماده حقنده در میان ایدیلان ادعایه کله چیه مرقومک طلب ایتیمکده اولدینی ضرر و زیان «الفتریه» نامنده کی سفینه سنک اداره جه حیز ایدلرکنندن طولانی اولوب حالبوکه ضرر و زیان ادعای حقیقه وقوع و عیولش زیان حقنده مسموع اوله بیلوب یوقسه پاپا نیقولینک طلبی وجهله خیالی بر طاقم مبالغه ضرر و زیان دن معدود اوله میه جفته بو دعواده ایسه محکمه یه ابراز اولنان اوج قطعه اوراق یعنی پاپا نیقولینک پروتستو ورقه سی و کینک ژورنالی و مولوه مجلس اداره سنک مضبوطه سی ماللریله مثبت اولدینی اوزره منازع فیه کی حیزک اجراسی صره سنده پریشان بر حالده و سیر و سفره غیر مقتدر و صویک آئنده اسمی کی جسمی تحت پارچه لرندن عبارت بولنوب بونک سیر و سفرایله صاحبیه حبه واحده سبب انتفاع اوله میه جفی آشکار اولسلیله اداره نک وضع ایتدیکی حیزدن طولانی پاپا نیقولی یه ایراث ایدیلان ضرر اولسه اولسه مجله نک ۹۱۷ نجی ماده سی موجبجه کینک حیزی صره سنده کی قیمتی ایله حیزک فکسلیله پاپا نیقولی یه تسامی اثنا سنده کی قیمتی بیننده کی فرقندن عبارت اولق لازمکله کی و شواکی قیمت مدلی حکومتک تعیین ایلدیکی اهل خبره معرفتیه و یونان ترجمانک حضور یله رسماً تحقیق ایتیش اولدیغندن پاپا نیقولی یه اعطاسی لازمکلان ضرر حقیقی فرق مذکورک بدلی بولنان یوزا و نوز لیرا ایله مصارف محاکمه مقداری تجاوز ایده میه چکی بدیهی بولندیغنه و فرض محال اوله رق محکمه جه بو بولده در میان اولنان دفع دعوی قبول اولمدینی تقدیرده درجه ثانیه ده اعتراضات آتیه در میان اولنور شویله که پاپا نیقولینک بو کره تقدیم ایتدیکی لایحه سنده واکا مربوط جدوله طلب ایلدیکی ضرر و زیان مقداری یا لکنز مفسوغ و آن لم یکن حکمنده قالمش اعلاملرده مندرج اولوب مبالغ مذکورده یی هانکی تاریخدن هانکی تاریخه قدر و نه قدر مدت ایچون طلب ایتدیکنه و نه حساب اوزرینه طلب ایتیمکده اولدیغنه دایر اصلاً صراحت اولدیغندن مثلاً کی قیودانیله طاقه سنک معاش و ما کولات واقعاتی مصارف لری نامیه طلب اولنان آقچه نک قاچ کونلک و هانکی تاریخدن هانکی تاریخه قدر اولدینی اصلاً تصریح ایدلرکنندن بونلر حقنده مدافعه قابل اولدیغنه و نول بدلی اوله رق طلب اولنان مبلغه کله چیه بونک ایچون پاپا نیقولینک ارايه ایتدیکی تواریخ صرف یا کاش اولوب چونکه اداره نک حیزی ۹ شباط سنه ۳۰۲ تاریخده اجرا ایدلش ایکن بونک ۵ کانون اول سنه ۳۰۲ تاریخده کوسترلمی و مومی الیهک بهر کون ایچون طلب ایتدیکی نول بدلی کویا بر تعامل قدیمه بنا ایتیمکده ایسه ده ممالک محروسه لیا نلرنده بویه بر تعامل

مجهول ایدو کنه و هر حالده مدعی ادعاسنک نیدن عبارت اولدیغی صراحة بیان ایتیمکجه اداره جه مدافعه و محکمه جه حکم اعطاسی امکان خارجنده اولدیغنه و پاپا نیقولینک لایحه سنده صراحة بیان ایتدیکی نقطه استیناف دعواسنده کی وکیلنه ویریله چک اجرت حقنده اولوب بونی در تیوز درت دفعه محکمه ده حاضر بولندیغندن طولانی اکیوز ایکی لیرایه ابلاغ ایتیمک اوزر سنده ایسه ده دعوی واقعه ده هیئت محکمه ده حضوری مشروط بولنان اعضای اجنبیه ایله یونان ترجمانک معذرت شخصیه لرندن طولانی محکمه یه کمال لرندن ناشی وقوعه کلان متعدد ابقار حساب داخل ایدلسه بویه در تیوز درت دفعه محکمه یه کیدلمدیکی تحقیق ایده چکنه و ذاتاً مدعینک تابعیتندن طولانی ظهوره کلان تعلیق لری اداره یه جهت تعلق اوله میه جفته و برده کینک حیزندن طولانی وقوعه کله ضرر و زیان قیلندن اولوب اجرت و کالندن عبارت اولان بو ادعا دعوی عرفه سنده و یا استیناف استدعاسنده طلب اولنق لازمکلوب مذکور استدعایله ایسه بویه بر ادعا اولدیغنه بناء اعاده محاکمه استدعاسنک قبولندن ناشی طرفینک بدایه تقدیم قلنان دعوی استدعاسنده کی حاللرینه رجعت ایتدکلرینک و مجله جلیله نک ۹۱۷ نجی ماده سی موجبجه پاپا نیقولینک ضرر و زیانک کیسنه قیمتجه وقوعه کلان یوز اوتوز لیرا فرق فیئادن عبارت اولدیغی تحت حکمه آئنی و درجه ثانیه ده اساس دعوی تدقیق اولنه بیلمک و اداره نک مدافعه سی قابل اوله بیلمک اوزره پاپا نیقولینک مفرداتی و تواریخ و صراحت کافیه یی جامع بردفتر ارايه ایتیمک مجبور اولدیغنه قرار ویرلمی طلبی محتوی اولدینی اکلشلدن صکره طرفین وکیللری لایحه لری مندرجاتی شفاهاً دخی تکرار و توضیح ایله برابر مدعی صفتی حائز بولنان معاد علیه علیه وکیل ایکی ورقه دخی ابراز ایدلرک معاد علیه وکیلنکده اوراق مبرزه یی بعد الماطاله جواب ویرمک اوزره واقع اولان طلبنه مبنی مذکور ایکی قطعه اوراق خصمی طرفندن کندیسنه حضور محکمه ده تسامی و اولوجهله کیفیت یوم اخره تعلیق ایدلش و مؤخرأ معاد علیه طرفندن ۲۰ نisan سنه ۱۹۰۷ تاریخله دولت علیه عثمانیه نک شیرا سرشهندلرکنندن مصدق و کالتنامه عمومی موجبجه توکیل اولنان و اخیری توکیلده مأذون بولنان واسیل قومینوس افندی و کندیسیله مجتمعاً و یا منفرداً مدعی و مدعی علیه صفی و دخالت دعوی و اعتراض الغیر طریق لری ایله بدایه و اعتراضاً و استینافاً و اعاده محاکمه و مدافعه یه و بین تکلیفنه و بین و اهل خبره تعیین و عزله و صادر اوله جق اعلاماتک معاملات اجرائیه سی تعقیبه و اوراق دعوی امضا و تقدیمه و متوقف اولدینی امورک کافه سی ایفایه مأذون اولق اوزره وکیل مومی الیه طرفندن مسجلاً توکیل قلنان یرغانیان دیران افندی محکمه یه کلوب معید محاکمه وکیل موسیو ژورژ شابر ورقه دعوتیه ظهرنده کی ابقاشر خنه وضع امضا ایتدیکی حالده کله مش و معاد علیه وکیللری غیاباً فصل دعوی اولنسی طلب ایتیش اولدیلرندن ترجمان موسیو کسانتوبولو حاضر اولدینی حالده عن الغیاب رؤیت دعوی قرار گیر اوله رق اولوجهله وکیلان مومی الیهما استماع اولندقدده دیون عمومیه اداره سنک موکلرینک مورثی ارستیدی پاپا نیقولی یه عائد سفینه یی بغیر حق حیز ایتسندن طولانی طقوز یوز بر لیرا سکسان غروش ضرر و زیان ادانسه محکومیتی جاری اشبو تجارت بحریه محکمه سندن استینافاً

صادر اولان ۲۸ اغستوس سنه ۳۱۱ تاريخلى اعلام حکمنه اداره مومى اليها عدم قناعتله اعاده محاکمه تصدى واولبابده سرد ودرميان ايدليكي بش نوع اسباب اعاده دن وروى محکمه جه رد ايديلهرك يالكز بقيه نول اولان يکرمى یدی ليرا قدق بش غروشه طاند بشنجى سببدن طولايى مذکور اعاده محاکمه استدعاسى قبول ايدلمش اولديغندن وسفينه نك مستأجرى بولنان ديون عموميه اداره سى طرفندن بغير حق وضع ايديلان حجزدن طولايى قطع سفر ايدليكي جهته بقيه نولك ايفاسى تجارت بحريه قانوننك ۱۱۶ نجى ماده سى مقتضياتندن بولنديغندن اشبو اعاده محاکمه استدعاسنك رديله اعلام معادهمك تصدقنى ومحاكمه مصاريفه اجرت وكالتك اداره مومى اليهايه تحمیلانى طلب ودها برديه جکلى اولمديغنى واقع اولان سؤاله جواباً بيان ايتمش اولمرله ختام محاکمه بالافهام ايجابى مذاکره اولندقده ضوابط سابقه مندرجاتدن مستبان اولديغى اوزره معيد محاکمه بولنان ديون عموميه اداره سنك مارالذکر ۲۸ اغستوس ۳۱۱ تاريخلى اعلام استينافى عليه اعطا ايدليكي اعاده محاکمه استدعاسنده درميان اولنان بش نوع اسباب اعاده دن دردى مقدما اسباب موجب سرديله رد ايديلوب يالكز نول بقيه سى اوله رق يکرمى یدی کسور ليرايه طاند اولان بشنجى سببدن طولايى مذکور اعاده محاکمه استدعاسى قبول ايدلمش ومعيد محاکمه وکيلنك بوکره وقوعبولان دعوته اجابته کلوب دفع دعوى ايتامسندن ناشى اشبو سببدن طولايىده اجرائى تدقيقاته محل قلامش اولديغندن سبب مذکورک دحى عن الغياب رديله مصارف محاکمه واجرت وكالت معيد محاکمه طانديته واعتراض على الحكم وقوعنده ايجابه باقلمسنة ۱۷ شعبان سنه ۳۲۵ و ۱۲ ايلول سنه ۳۲۳ تاريخنده غياباً ومتفقاً فرار ويريلهرك تفهيم اولتمش ايدوکنى متضمندر.

(مابعدى وار)

سورة عدليه

تجارت بحريه محکمه سنك ارج سنك معالمتنى ناطور استاتسوى فخره سى [*]

۳۲۵ سنه سى

مواد

۴۰۴ اوچيوز يکرمى دوت سنه سندن مدور

۱۲۸۲ اوچيوز يکرمى بش سنه سى طرفنده ورود ايدن

۱۶۸۶ يکون

۵۲۹ اوچيوز يکرمى بش سنه سى طرفنده رؤيت اولنوب حکمه ربط اولنان

۱۱۴۷

۳۵۴ آلتى آى تعقيب اولماديغندن طولايى ابطال ايديلان

۷۹۳ اوچيوز يکرمى آلتى سنه سنده دور اولنان

[*] تجارت بحريه محکمه سنك کچن نسخه ده مندرج استاتسويى سهو قلمدن دولايى بعض خطاين محوى اولديغندن يکيدن طبع ايدلك صورتيله تصحيح کيفيت ايدلى .

۳۲۶ سنه سى

مواد

۷۹۳ اوچيوز يکرمى بش سنه سندن مدور

۱۶۶۷ آلتى سنه سى طرفنده ورود ايدن

۲۴۶۰ يکون

۸۱۱ اوچيوز يکرمى آلتى سنه سى طرفنده رؤيت اولنوب حکمه ربط اولنان

۱۶۴۹

۴۷۶ آلتى آى تعقيب اولماديغندن طولايى ابطال ايديلان

۱۱۷۳ اوچيوز يکرمى یدی سنه سنده دور اولنان

۳۲۷ سنه سى

مواد

۱۱۷۳ اوچيوز يکرمى آلتى سنه سندن مدور

۲۲۶۰ یدی سنه سى طرفنده ورود ايدن

۳۴۳۸ يکون

۹۲۰ اوچيوز يکرمى یدی سنه سى طرفنده رؤيت اولنوب حکمه ربط اولنان

۲۵۱۸

۶۷۸ آلتى آى تعقيب اولماديغندن دولايى ابطال ايديلان

۱۸۴۰ اوچيوز يکرمى سکيز سنه سنده دور اولنان [۱]

بیاز

۱۸۴۰ [۱]

۱۹۵ دعاوى مختلطه دن اولوب بدايت تنسيقدن برى مستمراً تعقيب اولننان

۱۶۵۵

۸۸۲ صوک آلتى آى طرفنده ورود ايدوب احضارلری ابطال اولنان

وياخود طرفين خارج از محکمه صلح اوله رق تعقيب ايديلان دعاوى

۷۷۳ دور

عمليه نظارتی بک اورغلی برنجی هزا داره ملک اوچوز یکریمی یدی سنه سی ایستاقیقو همدولی

سنه ۳۲۷

عدد

۸۸۸ اوچوز یکریمی آتی سنه سندن مدور

۳۴۳۸ اوچوز یکریمی یدی سنه سی طرفنده ورود ایدن

۴۳۲۶ یكون

۳۵۸۵ سنه مذ کوره طرفنده رؤیت ایدیلان (۱)

۰۷۴۱ اوچوز یکریمی سکز سنه سنه دور ایدیلان

سنه ۳۲۸

معاملات قلمیه

عدد

۲۳۰ اوچوز یکریمی آتی سنه سندن مدور

۳۵۸۵ اوچوز یکریمی یدی سنه سی طرفنده رؤیت ایدیلان (۱)

۳۷۱۵ یكون

بیانی

عدد

۱۲ تمیز دعوی وقوعه مبنی محکمه مشارالیه ارسال اولنان

۲۶۰ استیناف دعوی

۱۲۴ طهره محاکمندن بالورود استنباه طریقله معامله سی بالاجرا محله کوندریلان

۵۸۵ اسباب قانونیه دن ناشی مدعی عمومیلکه اعاده قننان

۵۰ هنوز قجلاریه لردن تبلیغ علم و خبرلری ورود ایمان

۳۷ هنوز خدمه لردن تبلیغ علم و خبرلری کلیان

۶۲ تبلیغ علم و خبرلری ورود ایدوب اعتراض واستیناف مدتلرینک انقضاسنه انتظار اولنان

۱۹ در دست تسوید و تبیض اولان

۲۵۶۶ کاهه معاملات قلمیه سی ختام بولاش ولاجل الاجرا مدعی عمومیلکه تسام قیلنمش اولان اعلامات

۳۷۱۵

قانون مجرمین

استرداد مجرمین بحینک تمانندن ایکنجی مقاله

حریت شخصیه اساسنه مستند اوله رق تشکلات حاضره اجتماعی نی تنسیق ایدن قانون ، اطاعتنه مجبور ومنسوب قیلدینی ملکت تأثیرات محیطیه واحتیاجات زمانه کوره عوامل مؤثره سنه تابع طوئلق ایچون افکار وحسیات عمومیه یی بر دوره ترقیه طوغری تسکین وتنظیم ایده جک شکل وماهیتده وضع وتأسیسی ایجاب ایدن ظایه ومقصد لردن مطلوب ومنتظر اولان فواندن بریره ظن ایدرزکه هیئت مجموعه سنک قواعد اساسیه سی (استرداد مجرمین) مقالواتنک رابطه لرینی تقیید ونوئیق ایلده بیله جک نتایج مثره حصولنی تأمین وتشکیل ایتیش اولسون

تکامل قانونیمزک حقیقته واقف بعض متفکرین مؤلفینک تعریفاته کوره تبعه دولت علیه دن بری عثمانلی قانونی موجب جنایت وجنحه نوعندن عد اولنان بر جرمی ممالک عثمانیه خارجنده ارتکاب ایلمسندن طولای مظلون علیه بولندینی صورتده ممالک عثمانیه ده حقنده تعقیبات اجرا وحکم اعطا اولتق لازم کلیر . فقط بونوع جنحه وجنایتله مظلون علیه اولنلر حقنده اسناد اولنسان جرمدن طولای ممالک اجنبیه محاکمده محاکمه سی اجرا قلوبده برات ایتیش ویا محکوم اولوبده حکم انفاذ ایدلش اولور ویا مرور زمان واسباب سائر قانونیه ایله دعوی ومجازات ساقط بولنور ایسه حقنده تعقیبات قانونیه اجرا قلنه ماز رأینده بولنیورلر .

شوقدرکه جرم واقع بر اجنبی علیه ارتکاب اولندیغی حالده بولنلر حقنده تعقیبات قانونیه اجرایی متضرر اولنلرک شکایتیه وعدلیه نظارتنک امر تحریری قانونیسنه متوقف بولتق لازم کله جکی فکرنی ترویج ایدیورلر .

ممالک عثمانیه ده ارتکاب اولنه جق هر نوع جرائمک قوانین موضوعه احکامنه توفیقاً فاعللری حقنده جزا ترتیبی لازم کلور ایسه ده ممالک عثمانیه خارجنده ارتکاب اولنان جرائمندن یالکز ممالک محروسه نک امنیت عمومیه سی اخلاص ودولتک اعتبار مالیسی ایله نفع تجاریسنی سسکته دار ایتکه شمولی اولنلرینک متجاسرلری قوانین دولته تطبیقاً مجازات کوره بیلیر .

بوحالده متن ماده قانونيه ده تعداد اولنان جرائم ايكي نوعه منقسمدر . برى ممالك عثمانيه نك امنيت و آسايشنه طوقان جرملردر كه جزا قانوننده مندرج احكامده ضررى عام اوله رق دولت عليه نك امنيت داخله و خارجيه سنى اخلاص ايدن جنجه و جنايتلردن ديكرى دخى قلمز نك و ساخته كارلق جرائمندن عبارت اوله يور .

۵ نجى ماده ده مندرج اولان دولته مخصوص رسمى مهرلى عبارتسى قوانين اجنيه ده دولته مخصوص مهر رسمى ديه محرر اولديغنه عطف نظر ايله بعضلى دولته مخصوص رسمى مهرلردن مقصد رئيس الوكلا نك مهرى ديمك اولديغنه ذاهب اولمشلر ايسه ده عبارت قانونيه نك جمع صيغه سيله ايراد اولنديغنه باقيلورسه قانوناً دولت عليه مأموريتلرينه و مأمورلرينه مخصوص بالمله رسمى مهرلر مستفاد اوله نجى اعتقادنده يز .

ممالك اجنيه ده بولنديغى حالده بومقوله افعال ممنوعيه جرأت ايتش اولان تبعه عثمانيه دن برى ممالك دولت عليه عودت ايتسون ايتسون مملكت قانونى احكامنه توفيقاً بالحاكمه مجازات مرتبه حكم اولنور كه بوحال جرم ايشلمش اولان كيمسه نك عودتى وقوع بولنديغى و يا خود ممالك اجنيه دن جلب و استرداد اولنديغى تقديرده مرور زمان حسيله جزاى قانونندن ساقط اولماسى ايچون عاينده غيابة فصل دعوايه ابتدار اولنور و بوتقديرده دعوانك رؤيتى ممالك اجنيه ده عزيمتندن مقدم ساكن بولنديغى و يا دردست ايدليكي و اخيراً اقامت ايتديكي محل محكمه سنه عائد اولور .

بعض مؤلفلر بالمناسبه حال حاضرده عساكر اجنيه خدمته كيروده محاربه و وقوع بمقصد سزى و طنلرينه عودت ايدنلر تابعيتنده بولنديغى حكومتك امنيتى اخلاص ايتش عد اولنورلر ديه برسؤال ايراد ايدنلر ؟

حقوق مال احكامنجه بر مملكت اجنيه ايله مناسبات سياسيه قطع اولنور رق رسماً اعلان حرب اولنمديجه ايله عساكر اجنيه خدمته كيرنلر امنيت حكومتى اخلاص ايتش نظريه باقيله بيلمك ايچون هر حالده دولتين بيننده محاربه و وقوعيله خصوصتكم وجودى لازمه دندر . يوقسه عساكر اجنيه خدمته داخل اولان شخص محضاً محاربه و وقوعنده دشمن ايله برلكده بولنق نيت و مقصدينه مبنى حركت ايتش اوله نجى ملاحظه سى ترتيب مجازاتنه وسيله عد اولنم من جوابى ورنلر واردر .

تبعه دولت عليه دن برى ممالك عثمانيه خارجنده دول اجنيه دن برى حقدنه ارتكاب جرم ايدوبده اشبو جرم اول حكومت اجنيه ايله بر محاربه نى انتاج ايدم جك درجه ده بولنورسه اويوزدن ظهورى ملحوظ اولان ضررتدن طولاني جرم واقعك اسايش دولت عليه عليهنده ارتكاب اولنش كى عد و اعتبار اولنمى و بناءً عليه مرتكبنك محاكم عثمانيه جه بالحاكمه مجازاتنك ترتيب ايتديرسى لازمه دندر .

بو كى مسائل قانونيه نك حل و تفسيرى ايچون ۷ نجى ماده ده موجود اولان شوايكي جهتك تفريق لازمدر كه برى ممالك عثمانيه خارجنده ارتكاب اولنان جرائمك نه كى احوالده قانون عثمانى نظرنده شايان مجازات عد اولنمى و ديكرى تعيين جزا اولنق لازم كاديكي تقديرده اولبايده اقامه دعوى ايدلك ايچون نه كونه قيود و شروطك موجود بولنمى خصوصندن عبارت اوليور . جهت اولاده ممالك عثمانيه خارجنده ارتكاب جرم

ايدن كيمسه ايله متضرر اولان طرفك تبعه عثمانيه دن و ارتكاب اولنان جرم دخى قانوننامه جزا احكامنجه جنايت نوعندن اولمديجه مرتكبنه جرم ايشلمش نظريه باقيله ماز .

بناءً عليه تبعه دولت عليه دن برى ممالك عثمانيه خارجنده اجانبندن بر كيمسه حقدنه بر جنايت ايشلمش اولسه تعقيب و تاديى و ممالك عثمانيه عودت ايدوبده عليهنه اقامه دعوى اولنمى بيله رؤيتى محاكم عثمانيه عائد دكلدر .

برده عكس حال ظهور ايدر يعنى اجانبندن برى ممالك عثمانيه خارجنده تبعه دولت عليه دن برى عليهنده ارتكاب جرم ايدوبده مجازات كورمك سزى ممالك عثمانيه عودت ايلر ايسه اجراى مجازاتى ايچون بر كونه صراحت قانونيه موجود اولنديغنه نظراً بوحالده دخى تعقيب قانونيه محل اوله ماز .

جهت ثانيه يعنى جرم واقع ينه تبعه بيننده و جنايت درجه سنده اوله رق وقوع بولنديغى حالده اقامه دعوى ايچون لازم كلان شرطلر شونلردر :

اولاً مجرم اولان شخصك ممالك عثمانيه عودت ايتمى لازمه دندر كه عودت ايتك ماده سى كندى كندونه بالا اختيار عودت ديمكدر . يوقسه راكب اولنديغى سفينه نك ممالك عثمانيه ساحلنده قرهيه دوشمى و يا بروقه نا كه ظهوردن طولاني حدود عثمانيه نى مروره مجبور اولمى و يا خود ديكر بر جرم ايچون استرداد اولنش بولنمى كى اسباب مجبريه عودت ايتش اولورسه عليهنده اقامه دعوى اولماز .

ثانياً ممالك سائرده مجازات كورمالمش اولنمى و اجبه دندر . يوقسه بولنديغى مملكتك قوانينى احكامنجه تحت محاكمه آله رق اولبايده بر حكم صادر اولمش ايسه ايسر محكوميتنه ايسر براءت ذمتنه قرار و يرلمش اولسون بر دها عليهنه اقامه دعوى جائز اولماز .

ثالثاً متضرر اولان طرفك شكاييت ايتمى و شايد وفات ايتش ايسه ورثه سى طرفندن اقامه دعوى اولنمى لازم كلير .

اكر ارتكاب اولنان جرم جنجه و قباحت درجه سنده اولور ايسه فاعلى عليهنده ممالك عثمانيه داخنده اشتكاييله وقوعى تقديرنده مسموع اوله بيله جكنه دائر صراحت قانونيه اولمديغى جهته بالطبع اول دعوانك ردى طرفنه كيديلير .

جرم واقع ممالك عثمانيه ده باشلانوبده ممالك اجنيه ده ختام بولنديغى و بالعكس ممالك اجنيه ده باشلانوبده ممالك دولت عليه ده ختامه رسیده اولنديغى تقديرده محاكم عثمانيه مرتكبلرينى محاكمه ايتمكه صلاحيتدار دكلدر .

آنچق ممالك عثمانيه ده ارتكاب اولنان جهت باشلو باشنه تعقيب اولنه جق بر جرم تشكيل ايدر ايسه اولحالده محاكم عثمانيه بوجهته باقه بيله جكي كى ممالك اجنيه ده اجرا اولنان كيفيتك دخى جهت اولايه التصاق و ارتباطى تقديرنده هرايكيسنك مرتكبلرى حقدنه اعطاي حكم ايلر .

ممالك اجنيه ده ساكن بر شخصه خطاب اولنان و ينه ممالك اجنيه ده كنديسنه تسليم قلنان تهديد آمين

بر مکتوبدن طولانی ارتکاب اولنان جرمک فاعلی بومکتوبک ممالک عثمانیه داخلنده یازلمش اولسنه مبنی محاکم عثمانیه طرفندن بالحاکمه مجازات کورمسی جائز اولور .

دولت علیه تبعه سندن اولان بر تاجر ممالک اجنبیه اقامت ایتدیکی حلاله حیللی اوله رق اظهار افلاس ایتسه اولبابده حیل و دسایسه متعلق افعال واحوالک ممالک محروسه داخلنده ارتکاب اولمش اولسندن طولانی محاکمه و مجازاتی محاکم عثمانیه عائد بولنور .

ممالک اجنبیه ده ارتکاب ایتش اولدینی جرمدن طولانی تبعه عثمانیه دن بری جزا ایله محکوم اولدینی حلاله جزادن قورتلوق ایچون مملکتیه عودت والتجا ایدر ایسه محکومیتی متضمن اولان اعلام اجنبیک ممالک عثمانیه ده اجرایی جائز دکدر .

حقوق شخصیه دائر اولان حکم اعلاماتک اجراسنه تشبث اولنه بیلیمک ایچون دخی بونلرک اول امرده محاکم عثمانیه جه تحت تصدیقه آلدیرلمسی لازم کلور .

عساکر عثمانیه نک تحت استیلا سنده بولنان مملکتک افراد اهالیسی بیننده وقوع بولان جرائم محاکم عثمانیه نک صلاحیت قانونیه سی داخلده در . آنجق اثنای استیلا ده مرتکبک دردستی ایله ترتیب مجازات اولنیوبده رفع استیلا دن صکره مرتکب جرم محاکم عثمانیه عودت و دخالت ایتش بولنور سه استیلا ی موقت تابعیت عثمانیه صفقی بخش ایتدیکی جهتله تعقیب و محاکمه سنک اجرایی محاکم عثمانیه عائد اوله منز .

محکمه تمیز اعضاسندن

طلعت

حفظ الصحه نقطه نظرندن حبسخانه لر

بوکون مجازاتک صور تطبیقه سی محکومیتی بالکیز حق سر استیدن محروم قیلمق قاعده اساسیه سی اوزرینه مبتنی در . جمعیت مدنی و بشریه حاضره بر طقم بی لزوم و هر درلو حدود قواعد انسانیت خارجنده بولنان اشکنجه لری همجنس لری نه تطبیقندن و بوکی شیلری وسائط جزایه اوله رق عد و قبولدن اجتناب واحتراز ایتکده و بو صورتله بی نوعک حیات و صحت لری نه انحنا و افاسندن چکنمکده در .

فی الواقع جزانک بر تدبیر تخویف و بر واسطه ترهیب و تهدید اولسی فنالقره سد چکمک ایچون مقتضیدر شوقدر که ابنای جنسنه فنالق ایتش بر شخص حبس ایدیلرک موقت بر زمان آنک جمعیت بشریه به ایراث ضررده دوا می منع ایدلمکله برابر دیکر جهتندن ده اصلاح حال و تهذیب اخلاقه چالیشیلر و بونده ده موفقیت الیه ایدیلیر سه شبهه سز که ده منطق حرکت ایدلمش اولور و طبیعیدر که آنجق بویه بر طرز حرکت افکار

حاضره مدینت ایله قابل توفیق اوله بیلور . حقیقه حبس بر حیاتی افنا و ازهر جهت شایان مرحمت بر شخص احکا دیمک دکدر .

حبسخانه لره کیرنلر اکثریتله سفالت و محرومیت ایچنده یوارلانه یوارلانه بیک درلو صدمات حیاتییه معروض و زبون قالمش بر طاقم بدبختلر در که بونلر آز چوق اوزون بر زمان صکره مدت محبوسیت لری ا کمال ایدر لر . شمندی هر درلو شروط صخیه دن محروم بر موقعه ده بیللرجه بو بیچاره لرک حبس ایدلمس سنک حیات عضویه لری اوزرینه نصل بر تاثیر مضر و مشؤم اجرا ایده چکی جزئی بر تأمل ایله آکلاشیایر . ایشته شو بجمل فقط عینی زمانده یک زیاده حائر اهمیت اولسی مقتضی بولنان مسروداتدن حبسخانه لر حفظ الصحه نک نه قدر بیوک برول اوینامقده اولدینی وذات مسئله نک نه درجه شایان دقت بولندینی مستبان اولور .

مدعامنک صحت و اهمیتی نظرلرده تجسم ایتدیرمک ایچون شوراسنی ده علاوه ایدلمک فرانسده سنوی (۳۵۰) بیک کشی حبسخانه لرده اصرار حیات ایتکده در .

Système pénale : بوکون اوروپاده حبسخانه لک اصول اداره سنی ایکی صنفه تقسیم ایتک قابلدن . بری محبوسین کیجه منفرد اوله رق یا تمق و کوندوز عمومی عملیاتخانه ده برابر چالیشمق دیکری محبوسینک آره لرنده هیچ بر صورتله تماس و مقارنت اوله میه جق بر طرزده تجرید و تفریق اولنق خصوص لردن عبارتدر . اسکیدن عموم محکومین بریرده بولندیرلینی جهتله حبسخانه لر بر منبع فساد اخلاق و حقیقی بر جمع سیئات حالی آلمشردی . عددلری بیکلری تجاوز ایدن بو متکاثف کتله بشریه بیننده قولایجه و صیق صیق بر چوق امراض ساریه و مستولیه ظهور و توسع ایدرک بولنلر یوزلرجه سی محو و تلف اولور . بر حیات قالا نلرده علیل و یا مفلوج اوله رق مادام الحیات سورونورلردی . ایشته شو احوال الیه بوکی بر چوق مخاذیری داعی اولقله قالمز ، کلی مقدارده مصارفیده موجب اولوردی زیرا بو یولده مریض و علیل محبوسلر صاغلام وزنده بر محبوسدن اوچ مثلی زیاده مال اوله جنی طبیعیدر بوصنف حبسخانه لک جمعیت بشریه ایچون موجب اندیشه و تأمل و جدأ خاطرناک بر خدوری ده موجوددر . شویه که :

حبسخانه لردن مقصد اصلی اولان اصلاح حال و تهذیب اخلاقدن تمامیه محروم بر اقلمش اولان بو بدبخت انسانلر مدت جزایه لری اتمام ایتدکن صکره تکرار افعال جنائییه نک ارتکابنه و بویه لکله سابقه مکرره اصحابنک تکثیرینه یکانه سبب اولمقده در لر .

بشریت ایچون یک مهم و اهمیتی نسبتنده و خیم اولان ششو حالاته چاره ساز اوله بیلیمک مقصدیه اون سکزنچی عصر نهایت لری نه طوغری اوتده بریده محکومینی آیری آیری حجره لرده تجرید اصولی موقع اجرا به وضع و تطبیق اولمغه باشلانمش و ابتدا آمریقا ده فلادلفیا (پانسیلوانی) ده بواصول غایت شدید و قبطی بر صورتده بالاخره (اوبرون) ده ده معتدل بر صورتده کیجه لین تجرید و کوندوز مجتمعا بر سکوت تام ایچنده

چالیشمق اوزره حبسخانهلر تاسیس و کشاد ایدلمشدر بو اصول اوروپاده (هوارد) طرفندن ترویج ایدلمش وابتدا انکلتزه بعده بلجیقا بواصوله اجابت ایتمشدر .

اصول تجرید ویا حجروی عادتا بر مکتب ادب بردارالتهدیب اولدیغندن دیگر اصوله هر حالده مرجعدر . زیرا بواصول جمعیت بشریه آره سنده کی محکومینک اصلاح حال وتهذیب اخلاقه خادم وسائط ووسائلی جامع اولدیغندن افعال جنائیة مکرره اصحابنک وسابقه لیلرک تقلیلی خصوص سنده مدار عظیمی اولدینی بالجله ممالک متمدنه جه تجربه ثابت اولمشدر .

بواصولده محبوسینک حالت روحیه لرینک تدقیقه کوسترییورکه ، حال تجرید وانفراد باخصوص جرائم وجنایات مکرره اصحابی (فضایح مستمره) اوزرینه شدتله اجرای تأثیر ایتکدهدر . نته کیم بوشخصلر بویولده حال تجریده منفرد حجره لرده بولتمقدن فوق العاده متوحش بولتمقدن و بوسبیدن طولانی اورایه کیرمکدن اجتناب کنیدیارینی اجبار ایتکدهدرلر . شبهه سزدرکه بر محکومی یالکیز حجره یه قویقله اخلاقیاتی وفتالغه اولان میلانی تصحیح ایدلمش اولماز بونک ایچون محکومینی چالیشمغه مجبور ایتک و مربی ومهذب وظیفه سنی ایفا ایدن حبسخانه هیئاتی ، یعنی حبسخانه مدیری ، ومعاونلری وطیب و سر خاردیان و خاردیانلرله معلم ومأمورین روحانیه وحمایه محکومین جمعیاتی اعضاسنک محکومینی صیق صیق زیارت ایلک و آنلرله دائماً تماسده بولنق لازمکلیر . حجره ، محکومی غیر قابل اصلاح و سیات اخلاقیه ایله آلوده اولانلرله لاینقطع تماسده بولنرق کیتدکجه متزاید براضه حلال وافلاس اخلاقیدن حفظ وصیانه خادمدر وبویله لکله کنیدیسنه اجرا ایدیلان تلقینات حسنه نک سهولتله قبولنه مداری اولور حفظ الصحه نقطه نظرندنده اصول حجروی هر حالده دیگر اصوله مرجعدر .

حبس منفرد اصولی حبس مجتمع حالنده اولدینی کبی صیق صیق وسهولتله تحدث ایدن امراض استیلائیة نک سیرایت وحصولی مانعدر . دیگر جهندن محبوسک روش احوال روحیه وصحیه سنی قولایقله تحت مشاهدهده بولندرمغه مساعددر .

بوسایهده محکومک حبسخانه یه دخولی هنگامنده ویامن القیدم بر عارضه وجودیه ایله معلول ومصاب ایسه بوعارضه نک ترقیسنه دکل بلکه تعمیر وتلافیسنه ده قولای وقطی صورتده مداخله قابلدر .

المانیاده (پلوچه نزه) حبسخانه عمومیسنده دوقطور بایر طرفندن یاپیلان یکریمی سنه نلک استانتیق ارانه ایدیورکه : کرک برچوق امراضک تحصیل وتظاهری وکرکسه وفيات وقایبی اصول حجرویده دیگر اصوله نسبه دهآشاییدر بوحقیقت هر طرفدن تصدیق وتأیید ایدلمشدر . مع مافیله اصول حجرویده تجنن وقایبی اجتماع اصولندن ده فضله یعنی بره مقابل اوچدر . محققدرکه اصول حجرویده مستعد جنت اولانلر ده قولایقله وکثرتله موازنه عقلیه لرینی غائب ایدیورلر بویله اولقله برابر اونوتاملی درکه : اصول حجرویده عموم محکومین دائماً ومکملآ تحت مشاهده ونظارتده بولندقلرندن هنوز اعراض ابتدائیة حصوله

کلیک باشلار باشلاماز تشخیص مرض ممکن و بناء علیه اختلال وتشوشات دماغیه آثاری ده باشلانغجده ایکن تداوی مناسب وموافق صورتده درحال موقع تطبیقه قونور ایسه هروقت شفایه دسترس اولنه بیلور . لکن شوراسنی نظر دقتدن دور طوتاملی : اصول تجرید وحجروی هر شخصه یعنی هر مزاجه سیانآ موافق کلامکدهدر . بونک ایچون اصول حجروی ، محکومی اول امرده طبیبک عریض وعمیق معاینه سندن و صکرده مشاهده سندن کچیرمه دن تطبیق ایتمالیدر . [۱]

(فرانسه) حکومتی اعظمی مدت محکومیتی برسنه یی کچمیان محکومین ایچون حبس حجروی قاعده سنی قانونآ قبول ایلش ایسهده بوکا مساعد حبسخانه لک عدم موجودیتندن ناشی بوقانون حکمنک تماماً موقع اجرایه وضعی قابل اولیور . چونکه فرانسه حبسخانه لرینک مصارف انشائیة سی دپارتمانلره عائددر . هانکی دپارتمان حبسخانه انشا ایدرسه اوراده اصول حجروی تطبیق ایدلمکدهدر . شمیدکی حالده اکثر حبسخانه لرده محکومین آرو حجره لرده یثار وبرابرجه چالیشورلر . فرانسهده بویکی اصول حبسدن ماعدا خدمات شاته یه محکوم اولانلر (۳۰ مایس سنه ۸۵۴ قانوننامه سی موجبجه امریقای جنوبیده کی کویبان مستملکده سنه وغیر قابل اصلاح جرائم مکرره سائر اصحابی دخی (۲۷ مایس سنه ۸۸۵ قانونی موجبجه) کذلک اورایه نفی ایتک اصولی تطبیق ایدلمکدهدر .

فرانسهده جاری اولان بواصول نفی وتبعیده کی اساس ومقصد اصلی برطاقم اشخاص مضربه یی مملکتندن صورت قطعیده اوزافلاشدیرمق ومملکتی بونلرک شرنندن تطهیر ایتکدر مع مافیله بواصول تبعید شمیدیقدر نتایج حسنه ومطلوبه یی تأمیندن پک اوزاق قالمشدر موقع اجرایه وضعی خصوصنده اولدینی مشکلات کونا کوندن ومصارف فوق العاده دن طولانی بواصول آتیا تحدید ایدیله جکدر انکلتزه یکریمی بش سنه دنبری روسیه ایسه اخیرآ بونقل مجرمین اصولندن واز کچمشدر .

فرانسهده سنین عدیده دنبری تطبیق اولنان نفی واجلا اصولی بو کونه قدر نفس فرانسه یی بر طاقم مضره دن تطهیر ایتدیکی کبی محکومینک اصلاحی ومستعمراتک بونلر بوزندن استفاده واستعماری نقطه نظرندنده اهمیتنی کلیآ غائب ایتمشدر .

بالفرض منفیلر نووهل قالدونی کبی هواسی سالم وجیدر مملکته یوللانسه لر طبیعه عطائته مبتلا ، فطره سیئانه میال اولان بوکبی اشخاصک اورالره اعزام وتکشیری نهایت ناموسلی ارباب سعی وعملک بویله قیمتدار بر مستعمره یه یرلشمه سنه بر مانع وحائل تولیدندن بشقه برشیئه یاراماز .

بالعکس منفیلر وخدمات شاقیه محکوم اولنلر (غویان) کبی هواسی وخیم ومضر الصحه بریره اعزام

[۱] بلجیقا حکومتی صرف اصول حجروی قبول ایتدیکی حالده اون سنه حجرهده قالان ویا خود وجودی حجره یه متحمل اولیانلر ایچون غان شهرنده کی بیوک حبسخانه عمومی تخصیص ایتمشدر بوراده محکومین کیجه حجره لرده آیری یاتار وکوندوز عمومی عملیاتخانه لرده برابر چالیشور .

ایدیلوب تسویه ترابیه و اراضینک ایشلتیمی وزارت و فلاحت کی ایشلارده قوللانغه تشبث قیلنسه اورالرده بلدی برحاله موجود صیتمه، حمای مرزعی خبیثه، دیزانتهری وسائر کبی کال دهشتله اجرا حکم ایتکده بولنان برچوق امراض وخیمه آز زمان ایچنده بوبدبخت بیچارکانک نصفندن فضله سنی سیلوب، سوپورمکده ومحو وافنا ایتکده در باخصوص اک زیاده وفیات ورن منفیلر در .

زیرا بونلر اولدن بری محبسارده سفالت ومحرومیت ایچنده امرار حیات ایتش اولدقلندن مقدار وفیات پک مدھش صورته نظره چارمقدده در .

۱۸۹۴ - ۹۷ سنه لرنده مقدار وفیات کوریلن تنزل، غویانه کوندیریلن منفیلری صحیح البنیه کوچلی قوتلی اولانلرک انتخابندن ایلری کلکده در .

ضعیف ونخیف اولنلرایسه (نووهل قالدونی) یه کوندیرلمشدرکه اوراده بونلرک قسم اعظمی سل الرئدن ترک حیات ایتمشلدر . ۱۸۹۶ دن بری ایسه منفیلر (نووهل قالدونی) یه کوندیرلمکده در .

غویانده شرائط حیاتیته نک واشکال مساعینک وتعديل وتکملنه رغماً یکون وفیات ینه پک یوکسک قالمشدر . بوندن ماعدا قالدونی کبی هواسی لطیف وغایت کوزل بر موقعه منفیلره کوسترین معامله رفقی ونوازشکارانه فوق العاده رغماً تجربه کوستریورکه : مستعمرانده محکومیندن ایدیلجک استفاده دائماً عقیم قالمقده در محکومینک احوال مادیه لرینک تنظیم واصلاحی ، ومنفایه قبل الاعزام کندیلرینه بر صنعت تعلیمی وپایه جقلری ایشسه کوره تغدیه کبی فداکارقلر - که بونلر تنبلاکه ممانعت ایچون اک مؤثر وسائطدر - کاملاً هبا اولمشدر اساساً بو مختلف وسائطک موقع اجرایه وضعی ده سهیل شیلر دکدر . ایشته شو شرائط داخلنده مستعمرانه کوندیریلن بر منفی فرانسه ده بولنان منفیلره نسبتاً اوچ درت مثلی فضله یه مال اولمقده بولندی حلاله مدت جزائیله لری ائناسنده کندیلرندن هیچ بر صورته استفاده ایدیلماز . مسئله بو قدرله قالماز :

برکره مدت جزائیله لرینی اکال ایتدیلر می مستعمرده برلشهرک اوراسی ایچون مهلك وغیرقابل التیام وخیم بر جریحه حالی المقده درلر .

زیرا بورالده منفیلرک اصلاح وتهذیب حاللری غیر واقع بر شیدر . چونکه نه درجه کچیردکاری حیات مجتمع بوکا مالمدر .

بوقاروده بیان اولندی اوزره فرانسه ده باشلیجه ایکی نوع حبسخانه موجوددر :

بری مدت جزائیله لر قیصه اولانلره - بر سنه یه قدر - مخصوص حبسخانهلر ، دیگرى مدت جزائیله لر اوزون (۱-۱۰) سنه محکوم اولانلره مخصوص عمومی حبسخانهلر . برنجیلر (ده پارتمان حبسخانهلر) که (۳۷۹) عدد اولوب (۱۸-۲۰) بیک کیشی یی احتوا ایدرلر .

بونلرک قسم اعظمی اسکی ، مضرالصحه ، مزدحم بر طاقم ابنیه درکه کرک صرف جزائی وکرکسه

حفظالصحه نقطه نظرندن برحبسخانه ایچون مقتضی شرائطک هیچ برینی حائز دکدرلر . اساساً بو ابنیه نک جوخی بر حبسخانه اولقی اوزره انشا ایدلما مشدر .

اشته ۱۸۷۵ قانونیه قبول ایدیلن اصول ججروی اشبو قیصه مدت جزائیله یه مخصوص اولان حبسخانهلره تطبیق ایدیلور . بو قانون - ۵۵۰۰ ججریه حاوی ۳۴ حبسخانه مستثنا اولقی اوزره - الا آن تمامیه موقع اجرایه قونیه مامشدر . زیرا ده ۱۲-۱۳ بیک ججریه احتیاج واردر .

فی الواقع بو نوع ججریه لی حبسخانهلرک انشاسی اولدجقه مهم بر مبلغه متوقفدر . بوسبیدن ولایانده بوقیل حبسخانهلرک انشاسی تأخر ایدیور . فقط شوراسنی اونوتاملیدرکه بو پاره نک اعظام ایدیلرک فدا ایدلما سی حقیقت حاله بر تصرف دکدر .

چونکه ایستایستیکلر وانحاً کوستریورکه : بونوع حبسخانهلره مالک بولنان ولایتلرده قبایح وجرائم مکرره اصحابک وسابقه لرک یکونی غایت مهم بر عده تنزل ایتشدر . بو صورته مقدار محبوسین فوق العاده تناقص ایدیور ؛ بنابرین ظاهراً کلیتلی بر مبلغ صرفی ایجاب ایتدیرن بوقیل حبسخانهلر حقیقت حاله ده اهنون ده نافع اولور .

بوندنده صرف نظر بلا لزوم کلی بر مقدار پاره صرف ایدرک فوق العاده مصرفی ابنیه انشاسنه هیچ بر مجبوری و احتیاج یوقدر نته کیم بالفرض التی بیک فرانغه بالغ اولان بر ججریه نک عینی شرائط صحیه و اوصاف لازمه یی حائز اولقی شرطیه ، فقط بر آز آلایش ودبدبدن ازاده ، بسیط بر طرز وشکلده اوچ بیک فرانغه انشاسی پک کوزل قابدر .

(مابعدی وار)

حبسخانهلر مدیر عمومی

عبدالرحمن عاصم

یدنجی مبحث

تبعه عثمانیه ایله اجانب بیننده متسکون دعاوی حقوقیه وتجاریه حقننده صادر اولان

اعلاماتک صورت تنفیذی

مسئله نک تاریخیچه سی . - معلومدرکه تشکیلات عدلیه دن اول کافه دعاوی محاکم شرعیه ده رؤیت اولنور وینه حاکم شرع معرفتیه اجرا قلنور ایدی . بالاخره محاکم نظامیه تشکیل و وظیفه اجرا طشرده والی ومتصرف وقائم مقاملره ودر سعادته دعاوی ناظرینه احاله قلندی . لکن دعاوی نظارتک خط حرکتی بر قانون مکمل ایله تحدید ایدلماش اولدیغندن ، اجرا آت تنسیبی اوله رق وقوعه کلیر و بعضاً شایان تنقید احواله

میدان ویرایر ایدی . دعاوی نظارتك الغاسندن صوكره درسعادته اجرا جمعیتی تشکیل وتبعه بیننده کی دعاوی به متعلق اعلاماتك اجرایی اكا تودیع ایدلی . شو قدرکه اجرا جمعیتی کندینه تودیع ایدیلان اعلاماتدن برچوخی وقت وزمانیه انفاذ ایدمهیهرك برچوق اعلامات تداخلده قالدینی جهته تأخرات واقعك رفیع وعامهك تأمین حقوق مقصدیه هر محکمه دن صادر اولان وکندینه تعلق ایلان اعلاماتك اول محکمهك رئیس معرفیه اجرایی قاعده سی بالقبول ۵ حزیران سنه ۱۲۹۲ تاریخلی اجرا قانونی موجبجه هر بدایت محکمه سی نزدنده اجرا دائره لری تشکیل و حقوق و تجارت اعلاملرینك اجرایی مأمور ایدلی . دیگر طرفدن آنجق درسعادته مخصوصی اولق اوزرده محاکم شرعیه دن وصلاحیتی دائره سنده بطریقخانه لردن صدور ایدن اعلاماتك تنفیذی مأموریتیه مستقل بر اعلامات شرعیه اجرا دائره سی تشکیل قلندی .

مختلط دعوالره عائد اعلاماتك اجرایی کانهجه : مقدما باب عالیده خارجیه نظارتنه مربوط اوله رق (خارجیه کتابتی) نامیه بر دائره موجود ایدی ؛ بو دائره برنجی محکمه تجارت ایله صلاحیتلری داخلنده اولق شرطیه محاکم حقوقیه دن اجانبه وعلیمه صادر اولان مختلط اعلاماتك اجرایی وامور حقوقیه وتحقیق تابعیت معاملات وپسپورط اعطاسی ایله مشغول ومحاکمه عدم مربوطیتی حسبیله آنجق کاتب افندینك رأی وتنسیبی دائره سنده وقوانین موجوده داخلنده اجرای معامله یه متوسل ایدی .

اعلامات مذکورهك تنفیذی امرنده بوجه اتی معامله جریان ایدر ایدی ؛ شویله که : کتابت مذکوره آنجق خارجیه نظارتنه مربوط بولنق جهتیله ویردیکی مذکره اوزرینه نظارت مشار الیهجه عائد اولدینی مقاماته تبلیغات مقتضیه اجرا قلنور ایدی . هله اموال غیر منقولهك بیع وفروختی مسئله سی ده زیاده مشکلاتی داعی ایدی ؛ بونك ایچون کتابتک مذکره سنه ابتداء خارجیه نظارتی مقام صدارته باندکره مراجعت ایدر ، اورادن دفتر خاقانی اداره سنه خطاباً بر بیورلدی سامی تسطیر اولنور ، بوندن صکره دفتر خاقانهجه بیع وفروخت معامله سنه توسل ایدیلور ایدی . بوایه تسلسل برطاقم معاملات قلمیه یی استلزام نتیجهك سرعت حصولی يك زیاده اشکال ایلر ایدی .

۱۲۹۶ تاریخنده وظیفه اجرا مأمورین اداره دن نزع ورؤسای محاکمه تودیع ایلدکده حکومت عثمانیه محاکم مختلطه دن صادر اولان اعلاماتك صور اجرائیه سنجه ، تظاهر ایدن احتیاجات دائره سنده ، تعدیلات مهمه اجرایی لزوم کورمش وازان جمله بو قبیل اعلاماتك دخی اجرا قانونی احکامنه توفیقاً رؤسای محاکم طرفدن تنفیذی امرنده اراده پادشاهی صدور ایتش اولمغله خارجیه کتابتی لغو ایدیلرک اجرایی متعلق وظیفه سی تجارت محکمه سی ریاست اولاسنه تودیع و پسپورط اعطاسی خصوصی ضبطیه نظارتنده وتحقیق تابعیت ایله امور حقوقیه مختلطه مسائلک حل و تسویه سیچوزده کماکان خارجیه نظارتنده برر مدیریت تشکیل قلندی . بوتعدیلات صدر حاضر سعیدپاشا حضرتلرینك زمان صدارتلینه مصادف اولوب ینه اموال غیر منقولهك فروختی ایچون بر قطعه بیورلدی سامی تسطیری ضمننده وقوعبولان مراجعت اوزرینه

معامله جاریه ده کی عدم اصابت نظر دقتلرینی جلب ایتمکه اجانبه متعلق اعلاماتك ده رؤسای محاکم طرفندن اجرایی اسبابی استکماله توسل ایتش ایدی . لکن اجانبک رأینه واقع اولان مراجعتده سفرای اجنبیه اعلامات مختلطهك امر اجرا سنجه تجارت محکمه اولاسنه مراجعت ایتیه جکلرینی قطعاً بیان واتخاذ اولنان بواصول وتدبیره شدتله اعتراض ایتدیلر ؛ حتی ۲۶ شباط سنه ۱۸۸۰ تاریخنده باب عالی یه کوندردیکی برتقریر شفاهیده انکلتره سفارتی شوصورتله اداره کلام ایتشیدی : « اجنبیلر لهنده و عثمانیلر علیمه دن صادر اولان اعلاماتك اجرایی درسعادته خارجیه کتابتنه وطشرده والیسره عائد وبوقدیم باب عالی ایله سفارتلر بیننده بالاتفاق تقرر ایتش بر اصول ماهیتی حائر ایدی ؛ بنابرین برچوق سنه لردنبرو بالاقتطاع تطبیق ایدیلرک بر عهد ضمنی قوتی احراز ایلان شو اساس بین الطرفین اولجه موافقت حاصل اولمادجه لغو ایدیلر من . » خارجیه نظارتی ایسه بوخصوصه سفرایه تعمیماً تحریر ایلدیک نوطه ده اعلامات مذکورهك کافی السابق اجرا اولنه جعتی واساساً کتابت مذکوره لغو ایدلمش اولیوب یالکیز دائرهك تبدیل مکان ایلدیکنی بیان ایتش وشو وجهله اصول سابقهك ادامه سی جهته کیتمش ایدی . فقط خارجیه کتابتی ذاتاً هیچ بر نظام وتعلیماته تابع اولمادیغندن ، موقع اجرایه وضع ایدیلان بعض اعلاماتده بالطبع اجانبه تسهیلات لازمه ارايه ایدیلر مامش وترجمانلر معاملات اجرائیهك یولسزلغندن بحث ایدرک شکایت ایلدککری زمان کتابت مذکورهك محکمه تجارت ریاست اولاسی معیتده اولمادینی واساساً هیچ بر اصول ونظامه تابع بولمادیغنی ومع ذلك حکومت عثمانیهك حد ذاتنده تکلیف ایتدیکی جهت معاملات اجرائیهك بر قانون واصوله مستنداً ایفاسی ایکن سفارتخانه لرك قانونسزلق جهتی التزامده اصرار ایللری هیچ بر اوروپالی شانیه یاقشمیه جق بر حال اسف اشتغال اولدینی اول زمان برنجی محکمه تجارت ریاستنده بولنان اجله ارباب حقوقزدن علی شهباز افندی مرحوم طرفندن برلسان مناسب ایله مقام جوابده افاده ایدلمش وبناء علی هذا ترجمانلرك بعضیسی بالاخره حاصل ایده جکی نتیجه کوره بیان افکار ایتک شرطیه برقچ اعلامك محکمه مذکوره ریاستنجه انفاذ ایدلمسینه اظهار موافقت ایتش ایدی .

اون بش یکریمی سنه دنبرو اجرایی قللمش اولان برقچ اعلامك اجرا نظامنامه سنه توفیقاً موقع اجرایه وضع اولنمی اوزرینه ترجمانلرك کافه سی اراده سنیه خلافته خارجیه نظارتندن ارسال اولنان نوطهك حکمنه التفات ایتیهرك دوعزیدن دوعزیه ریاست اولایه خطابه باشلامش وبو وجهله اعلامات مختلطهك اجرا قانوننه توفیقاً انفاذی قطعاً تقرر ایتشدر .

مع ذلك ۱۲۹۶ تاریخنده موقع اجرایه وضع ایدیلان قانون اوزرینه انکلتره سفارتخانه سنده سفارت ترجمانلردن مرکب بر مختلط قومیسینون تشکیل ایدلی ؛ بوقومیسینون حکومت عثمانیه طرفندن اوصره لرده نشر ایدیلان اصول محاکمات جزائیه قانونیه دیگر قوانینك معاهداته مغایر برجهتی اولوب اولمادیغنی تدقیق ایتک وظیفه سنی حائر ایدی . قومیسینون برقچ اجتماعه قوانین مذکورهك معاهده نامه لره مغایر اولان جهتلری تفریق ایدیلر مامک حسبیله بر نتیجه ده دسترس اوله مامش ولاجل الاستیضاح باب علیدن مأمور مخصوص اعزامی طلبه مجبور اولمش ایدی . فقط باب عالی اولوقت حقوق مشایوری بولنان ولسان عثمانیه قطعاً

آشنا اولیان پاریس افندی نی انتخاب وارسال ایلکله وقوعبولان اجتماعده ینه بر نتیجه دسترس اولنه مامش و بودفعه لسان ترکیه واقف بر مأمورک انتخابی تکرار طلب ایدلمش ایدی . باب عالی ایسه بودفعه کی انتخابنده بحق اصابت کوستره رک اجله ارباب حقوقزدن علی شهباز افندی مرحومی انتخاب ایلش و بو صورتله بر بحق سنه دوام ایدن مذاکرات نتیجه سنده ، مطبوع مضبوطه لرک مطالعه سندن دخی منفعهم اوله جتی اوزره ، سالف الذکر قوانینک معاهده نامه لر احکامنی محل اولمدینی اثبات اولندقدن ماعدا معاهدات احکامنه موافق اوله رق رضع ایدلدیکی ظن اولنان بعض موادک دخی خلاف عهد تأسس ایدلدیکی تعین واجابی انلردنده فراغتیه موفقیته تحصیل ایلدی . بوجه دن اوله رق اجانبک له وعلیه نده صادر اولان اعلاماتک مأمورین عثمانیه طرفندن قوانین عثمانیه احکامنه توفیقاً اجرایی طبعی اولدیغندن بخله بعدما اجنبی علیه ویریلان اعلاماتک قونسولوسخانه لر معرفتیه انفاذندن صرف نظر ایدلمش تکلیف قلندی .

ترجمانلر قومیسوینک اعطا ایدلدیکی تقریرک یکریمی درنجی صحیفه سنده کوردلیدی اوزره انکلز دله کلری اشبو تکلیفی قبول ایتشلر ایسه ده دیگر دله کلر پاسارووجه معاهده نامه سنک بشنجی ماده سنه استناداً بورائی قبولدن امتناع ایتشلردر ؛ چونکه مذکور ماده ده (و بولنردن برنده اخر کمنه نک اله جتی ظهور ایلدکده ضابطلری معرفتیه شرعه مدیوندن تحصیل اولنوب آخر کمنه دن طلب اولنیه) دنیلش و بناءً علی ذلک اوستریا ترجمانی اعلامک صدورندن صکره مأمورین عثمانیه نک وظیفه سی اختتام وقونسولوسک وظیفه سی ابتدا ایلدیکنی وقونسولاتو اعلامی کندی قانونی موجبجه اجرا ایده جکنی و آخرک معامله اجراییه مداخله یه حق اولمدیغنی بیان و امریقا دله کسی دخی اشبو رأی ترویج ایتشدر . اما قومیسوینک دیگر اعضالری اجنبیلر علیه صادر اولان اعلاماتک اجرا قانونی احکامنه توفیقاً قونسولوسخانه لرجه تنفیذنده برکونا محذور بولندیغنی بیان ایتشلردر ؛ ترجمانلر تقریرینک یکریمی سکزننجی صحیفه سنده مندرج بولنان مطالعات مذکوره بوجه آتی خلاصه ایدلمشدر : « سفارت دله کلرینک اتفاقه یقین برا کثرتله بیان ایتدکلری رأیه کوره اجنبیلر علیه صادر اولان اعلامات کانی السابق بو خصوصه کی صلاحیتلری تعامل و عهد ایله تعین و تقریر ایدن قونسولوسلر معرفتیه اجرا اولنه جقدر . مع مافیه اجرا قانونی تعدیل واکال ایدلدکنصکره بوقسم اعلاماتک ده آتیاً اجرا قانونی موجبجه سیاق واحده تنفیذی خصوصی معقول و موافق عدل و حق اوله جتی درکاردر [۱] »

تجارت بحریه محکمه سی اعضاسندن

خلیل جمال الدین وهران آصادور

اعلان

غلطه ده خویار خانی قیوسی اتصالننده کی مغازه ده مقیم صراف یانی کیلیاریدی نامه اضافته وکیلی غلطه ده بیوک ملت خاننده اون طقوز نومرولی اداره خانه سنده ساکن دعوی وکیلی اسقار پانیوتی افندی طرفندن سرکه جیده عثمانیه اولتنده مقیم ایکن الیوم اقامتکاهی مجهول بولدیغنی عندالتحقیق آکلایشیلان بیغالی یوسف سزائی افندی علیه برقطعه سند موجبجه تجارت بحریه محکمه سنده الی عدد لیرای عثمانی نک عدم تأدییه سندنناشی اقامه ایدلدیکی افلاس دعواسی اوچوز یکریمی سکز سنه سی مایسنک بشنجی جمعه ایرتسی کونی بعدالزوال ساعت برده فصل ورؤیت اولنه جغدندن مدعی علیه یوسف سزائی افندینک یوم ووقت مزبورده محکمه ده بالذات حاضر بولغنی ویا مصدق سنده بروکیل کوندرمی لارم کلدیکی و شاید کلز و وکیل دخی کوندرمزسه مدعینک طلبیه حقنده معامله غیایه اجرا قلنه جتی معلوم اولمق اوزره تنظیم اولنان دعوتیه ورقه سیله اولباده کی استدعا صورتی مدعی علیه یوسف سزائی افندینک اقامتکاهی مجهول بولمسندنناشی اصول محاکمه حقوقیه قانوننک یکریمی آلتنجی ماده سنه توفیقاً کندیوسنه تبلیغ ایدلمش عدد اولمق اوزره محکمه دیوانخانه سنه تعلیق قلندیغنی کبی غزته لرله دخی اعلان کیفیتیه ابتدار اولندی .

شربتی زاده بکر سامی افندینک ایوبده حمیدیه قریه سنده مقیم لوفجه مهاجرلرندن ماندره جی یشار آقا بن احمد ذمتنده بااعلام تجارت محکومه مطلوبی اولان مبالغ معلومه نک تأمین تسویه سی ضمتنده مدیون مرقومک محجوز و فروختی مقرر بولنان قریه مذکوره ده ایکی اوطه بر آراق و بودورم و صمانلق و آخور و بر مقدار باغچه یی حاوی معلوم الحدود و المشتملات بر باب خانه ده متصرف اولدیغنی ثلثان حصه سیله طوبخیلر محله و جاده سنده واقع یکریمی نومرو ایله مرقم اوتوز کیله لک برقطعه ترلاده مرقومک متصرف اولدیغنی یوز یتیم یدی حصه ده اون ایکی حصه سی بوندن اقدم موقع مزایده یه قونیله رق حمیدیه قریه سنده کی خانه نک ثلثان حصه سی اوچ بیک بشیوز غروشه و طوبخیلر محله و جاده سنده واقع اوتوز کیله لک برقطعه ترلانک اون ایکی حصه سی بیک بشیوز غروشه طالبلری عهده سننده قالمش اولمغه قرار موقتی ویرلمش اولدیغندن اشبو نیشان رومینک اوندن اعتباراً اوتوز برکون صکره یعنی کله جک مایس رومینک اون برنجی جمعه کونی مذکور خانه پیشکاهنده صوک مزایده لری اجرا و فردای جمعه ایرتسی کونی محکمه تجارت اجرا دائره سنده قرار قطعیسی اعطا ایدله جکندن یوزده بش ضمیمه اشتراسنه طالب اولنانلر ودها زیاده معلومات آلمق ایستیانلرک مدت مزبوره ظرفنده محکمه تجارت اجرا دائره سنه مراجعت ایللری و صوک مزایده کونی محله ده

[۱] « Les délégués des missions ont été d'avis, à la presque unanimité, que l'exécution des jugements rendus contre les sujets étrangers devait être maintenue aux mains des consuls dont les attributions, de ce chef, sont conservées par les traités et par l'usage. Il leur a semblé toutefois rationnel, juste, équitable que cette exécution s'opérât uniformément à l'avenir sur la base de la présente loi corrigée et complétée. »

مأموری مواجهه‌سند و فرادسی کونی ه دائره اجراء حاضر بولملری محکمه تجارت اجرا دائره‌سندن
اعلان اولنور .

برنجی دائره بادیه‌نک قیوجیلر کتخداسی سابق وکیلی زارح افندی ذمتده بک اوغلی ایکنجی حقوق
دائره‌سنگ ۱۷ تشرینانی سنه ۳۲۶ تاریخلی اعلامی ایلله آله جنی اولان معلوم المقدار مبالغک تأمین استیفاسی
ضمننده مدیون مرمی الیهک درسعادتده چارشوی کیرده مقری سوقاغنده قرق سکز نومرولی دکان کدکنده
متصرف اولدینی درت حصه اعتباریه اوچ حصه سی و محل مذکورده بات پازاری جاده‌سند طقسان طقوز
نومرولی بر باب دکانک تمامی تحت حجزه الدیرلمش اولمغه تاریخ اعلاندن اعتباراً اون بش کون صکره بالمزایده
فروخته تشبث اولنه جنی بک اوغلی اجرا دائره‌سندن اعلان اولنور .

اسکیشهر تجارت محکمه‌سندن ۸ شباط سنه ۳۲۷ تاریخنده موقه افلاستینه قرار ویریلان وقرار واقعه
عدم قناعتله اعتراض دعوی ایدن پشه محله‌سندن بونی اگری زاده علی افندیسنگ سبق ایدن محاکمه‌سی
نتیجه‌سند افلاسی قرارینک فسخته و ماصه‌جده بر کرنا ایلدیشکی قلمه‌مش اولدینی آکلاشلدیغندن محجوز
بولان حضار فابریقه‌سی ایلله اسکیشهر و کوجک قصیق استاسیونلرنده بولان کراسته‌لرینک تحت حجزده بولمسنه
مساع قانونی اولمدیغندن حجز موضوعک فککنه و مقبوط اموالک رد و اعاده‌سنه قرار ویرلمش اولمغه اعلان
کیفیته ابتدار اولنور .

دیون عمومی عثمانیه اداره‌سنه اولان دین محکومینک تأمین تسویه‌سیچون بالقخانه قبضه‌لرندن حاجی
اپوستول آتاک محجوز بولان قاضی قریه‌سند عثمان آغا محله‌سند پکمز اوغلی تارلاسند حد اویردی اوغلی
زقاغنده سکز و مکرر سکز نومرولرله مرقم علی التخمین بشیوز زراع مقداری محکک ایکیوز زراع محنده
احشاش اوله‌رق مبنی اوچ قانده بشر اوطه وایکیش صغه و برر مطبخ و بقیچه‌ده مشترک برکوز صو قیوسنی
حاوی و سنوی اوتوز آلتیشیر لیرا ایجارلو ایکی باب وینه محل مذکورده یل دکرمنی جوارنده تپه زقاغنده
یتیش ایکی نومرو ایلله مرقم علی التخمین آلتیش زراع عرصه اوزرینه مبنی اوچ اوطه برصوفه و بر خولی و بر
مطبخ و ارقه جهتده قرق زراع مقداری بقیچه و مشتملات سائرینه حاوی ماهیه یوز الی غروش ایجاری
متخمل بر باب خانه‌لرینک فروختی تحت قراره آلتیش اولمغه بر موجب قرار املاک مذکور تاریخ اعلاندن
اعتباراً اون بش کون صکره موقع مزایده‌یه وضع ایدیه‌لرینک اشتراسنه طالب اولنلرک ودها زیاده معلومات
آلق ایستیانلرک محکمه تجارت اجرا دائره‌سنه مراجعت ایللری دائره مذکورده اعلان اولنور .

کوکجه صو ناحیه‌سنگ چقورجه قریه‌سندن عثمان بک اوغلی محمدک آغالر قریه‌سندن حاجی احمد اوغلی
احمد بااعلام محکوم به ایکیک کسور غروش بورجنک تأمین استیفاسیچون تحت حجزه آلتان قریه مذکورده
واقع اوچ طاش دوران ایدر بر باب دکرمنده کی بش حصه اعتباریه ایکی حصه‌سنگ حجز فروخته قرار
ویرلیدیکندن مذکور حصه‌یه طالب اولنلرک و زیاده معلومات آلق ایستیانلرک بولی اجرا دائره‌سنه مراجعت
ایللری اعلان اولنور .

دیون عمومی عثمانیه اداره‌سنه اولان دین محکومینک تأمین تسویه‌سیچون حسن بصری بک محجوز بولان
طوپخانه‌ده الیاس چلبی محله‌سند آقار صو یقرشی جاده‌سند کان یکریمی اوچ و میرالای چیقمازنده بر
نومرولرله مرقم علی التخمین یتیش بشر زراع عتیق عرصه‌لر اوزرینه مبنی دردر اوطه وایکیش صغه و برر
مطبخ و برر صهرنج و برر قیو و یوز الیشیر زراع باغچه‌لری حاوی ماهیه برر لیرا ایجاره متخمل ایکی باب
خانه‌ده متصرف اولدینی نصف حصه شایعه‌لرینک فروختی تحت قراره آلتیش اولمغه بر موجب قرار حصه
مذکور تاریخ اعلاندن اعتباراً اون بش کون صکره موقع مزایده‌یه وضع ایدیه‌لرینک اشتراسنه طالب
اولنلرک ودها زیاده معلومات آلق ایستیانلرک محکمه تجارت اجرا دائره‌سنه مراجعت ایللری دائره مذکورده
اعلان اولنور .

قبضه‌لر قریه‌صول افندینک پاشا باغچه‌سند اطناش ولد نیقوله به به‌لپونی ذمتده محکوم به مطلوبی بولان
مبالغ معلومه‌نک تأمین استیفاسی ضمننده مقدما تحت حجزه آلتان قریه‌سند الی بیک غروش بدل ایلله طالبی
عهده‌سند تقرر ایتمکله موقت قرار داده‌سی کشیده قلنان مذکور پاشا باغچه‌سند انجیر قریه‌سند سلطانیه
موقعنده مقدما چاللیق الیوم بر طرفی حاجی خره‌لبوس باغچه‌سی بر طرفی تئودوری باغچه‌سی طرفینی بورجکی
حسن بک چاللیق و انجیر قریه‌سی مرعه‌سیله محدود و ۱۰۳ نومرو ایلله مرقم ملک مع کدک بر قطعه بوستانک
خمس حصه شایعه‌سی یوزده بش ضمیله طالب اولنلرک تاریخ اعلاندن اعتباراً اوتوز بر کون طرفنده بکقوز
اجرا دائره‌سنه مراجعت ایللری اعلان اولنور .

